


XIV
264157


4



38069

I

Teol. pol. 8363



counted

1892. I. 54

S

UMBRA APOLOGETICA, GENUINUM PRÆCEPTI

D E
PECUNIA,
IN REGULA FRATRUM
MINORUM SENSUM NIMIA
QVADAM OCCULTATUM
LUCE DETEGENS ET
APERIENS:

P E R
ADMо: REVER: PATREM FRATREM,
LUDOVICUM
ROZYCIUM,
ORDINIS MINORUM,
Provinciæ Reformatæ Minoris Poloniæ
Sanctæ MARIAE Angelorum Ministriæ
Provincialem, SS. Theologiæ
Lectorem.

Anno Domini M. DC. LXXVI.

PRAGÆ: Typis Georgii Czernoch.

Poem. Dr. Carolus Granus
De Varens hunc librum donauit
nostra Bibliotheca S. Petri in
honore aureo almeq. ibid anno 169



38.069
I

D I V O
P A T R I A R C H Æ P A U P E R U M
S. F R A N C I S C O
S E R A P H I C O ,
P E R F E C T I S S I M O P E C U N I A R U M
O S O R I ,
E T
E X A C T I S S I M O V E R I T A T I S S I M P L I C I S
A M A T O R I .
D. D. D.

PArce Pater Sanctissime,
Patriarcha Gloriosissi-
me; quòd Filii Tui adeò
in via mandatorum Tu-
orum ferveant, ut Umbram requirere
necessè sit in æstu advocatam: quam-
vis enim illumines mirabiliter de mon-
tibus æternis, arduámq; vivendi semi-
tā lucis Tuæ radio tutam reddas à pericu-
lis; quia tamen & suos habet Lux in in-
): (2 telle-

(50)

tellectu nostro atomos, & suos etiam
ferventissima quæq; luminaria nimidum
quantum anxios habent calores, ideo
Te (si pateris) assidente, sanctamque
è Cœlo Benedictionem impertiente,
Umbram Luci huic oppono Apolo-
geticam, eamque (ut non extra gressu-
um Tuorum semitam ad nos inclinetur)
pedibus Tuis Sanctissimis substerno re-
verentissimè. Unum proinde est,
quod à Te Pater Sanctissime, Patriarcha
Gloriosissime precer; ut nimirū, quod
in Umbra præbet solatium, approbes;
quod verò ad noctis horrorem, ex-
erandásque nubium tenebras Tibi forte
videtur accedere, sanctioribus, quos ha-
stenus infudisti, instinctibus, ac veluti
temperatis ab umbra caloris, æstusque
faculis illustres, ac repares: Habes quip-
pe, quod in anxiis zelantium cordibus

con-

confirmes, habes, quod in vacillantibus
consolides. Ita nimirum Umbrā hanc
& anxios roborantem, & vacillantes so-
lidantem Sanctissimo Tuo etiam obtutu-
dignabere; non intendo enim vel iota,
vel apicem de Regula Tua Sanctissima,
& mandatis Tuis relaxativè umbrare, sed
solum Tuam attingere mentem, & faci-
liore declarare intellectum. Denique
ut umbra hæc in Tuam evadat, Tu ipse
ei umbraculum sis meridianum; neque
enim sine Te Umbra hæc protegeret, qui
ideo fortè venisti ex Umbria, ut, dum ca-
lentioribus mundum ussurus essem igni-
bus, Umbram etiam dares caloris reme-
diū; sed Umbram, quæ nec Cimme-
rias nō offset tenebras, nec cum fatalibus
miseretur Acherontis umbris, vel etiā
noctem saperet Ægyptiacam, Umbram
inquam solatij, & consolationis: Quid

)(3 enim

(88) † (89)

enim id negares aliis , dum ipse caloris ,
quem Seraphicus amor incenderat , im-
patiens , non nisi in Umbris , aut certè
umbram reddentibus quinque signacu-
lis , umbrosis dicam potius domiciliis in-
venisti remedium ; adeò scilicet totis
corporis artibus incalueras , ut etiam in
pedibus , ac manibus , nec non & pecto-
re umbram aperires ; dignus proinde ,
qui Seraphicis æquareris mentibus , sed
solo hoc discrimine , quod Seraphini pro-
æstu alas , Tu stigmata repræsentes . Huc
igitur Umbrā meā recurrentē Pater San-
ctiss: Patriarcha Gloriosissime , admitte
securè in domicilio Tuo delitescere cu-
pientē ; eam enim , ut conformior Tibi
sit , ita unitam Tibi cuperē , ut nec à men-
te Tua , nec Corpore queat separari .

Ita vovet

TUÆ SANCTITATIS

Cliens votis devotissimus

F. LUDOVICUS ROZYCRIUS.

FACULTAS REVERENDISSIMI PATRIS COMMISSARII GENERALIS.

Erater Jacobus Maria de Spinetulo Ordinis Minorum Strictioris Observantiae Ex-Procurator Generalis, ac in tota Cis-montana Reformata Familia Commissarius Generalis, & servus. Dilecto Nobis plurimum in Christo Patri Fratri Ludovico Rozycio Theologo, & Ministro Provinciali Provinciae Nostrae Reformatae Minoris Polonia salutem in Domino sempiter-nam.

Ut Opusculum, cui Titulus est: Umbra Apologetica, à te compositum, & à quibusdam Religionis Nostræ Theologis revisum, & approbatum, in lucem edi possit; tibi præsentium vigore ad Salutaris Obedientia meritum, servatis servandis, facultatem impertimur. Roma primâ Februarij, 1676.

Frater Jacobus Maria à Spinetulo,
Commissarius Generalis.

—^{os) + (so-}
CENSURA
THEOLOGORUM
REFORMATÆ PROVINCIAE
BOHEMIÆ
SANCTI WENCESLAI
DUCIS ET MARTYRIS.

UMbram Apologeticam, detegentem,
& aperientem genuinum sensum illius
Nostrî Seraphici Præcepti de pecunia,
accuratè legi, & relegi, maturo judicio, &
attentione habitâ, ad puritatem statûs Nostrî
Reformatici trutinavi, & expendi; & quoni-
am nil dissonum bonus moribus, nil contrarium
Apostolicis sanctionibus, nil noxiūm pura ob-
servantie, & rigorosæ nostræ paupertati; quin
imò omnia dicta conformia arcto nostræ Refor-
matiōnis Instituto in ipsa reperi; idcirco ju-
dico expedire, ut eam Author Doctissimus Ad-
modum Reverendus Pater Ludovicus Rozycius
Sacro-Sancta Theologiae Lector emeritus, &
nunc Dignissimus Provinciae Reformatæ Mino-
ris Poloniae Minister Provincialis, beneficio typi
publicæ exponat luci. Actum Pragæ in Con-
ven.

ventu Sanctæ Mariæ ad Nives Ordinis Fratrum
Minorum. Sancti Francisci Reformatorum.
Anno 1676. die 5. Januarij.

Frater Bernardus Sannig, Sacro-
Sanctæ Theologiæ Lector Jubi-
latus, & Provinciæ Bohemiæ
Minister Provincialis.



Umbram fugat veritas, Noctem Lux
eliminat: canit Ecclesia, Mater veri-
tatis fallere nescia: *Apologia hæc Ad-*
modum. Reverendi Patris Ludovici Rozycij,
Ordinis Minorum. Sancti FRANCISCI Re-
formatæ Provinciae Sanctæ Mariæ Angelorum.
Minoris Poloniae Ministri Provincialis umbra
est, umbra nocti vicina, & amica: an igitur ve-
ritate fuganda, & fugienda, ac eliminanda?
minime, saniora judico, meliora meretur. Um-
bram futurorum fugat veritas præsentium,
Noctem durioris Legis eliminat Lux Gratiae
Evangelicæ: Hæc umbra Evangelica est Evan-
gelici iugis suavis, & oneris levis, seria, & syn-
cera
): (5

cera indagatrix, examinans, & dijudicans
 non esse imponendum difficultiora; Hac um-
 bra tegit veritatem, sed nudam, nec ulla le-
 genti apparebit turpitudo contra fidem, mo-
 res, puram observantiam Regule, Apostolicas
 Sanctiones, ut tegere sit, quod continere;
 Hac umbra plus ultim intentionem communi-
 ter loquentium, & etiam ipsiusmet Sancti
 instituentis, impropria, & insuavia detegit
 ex praecepto de pecunia, in nostra Regula Mi-
 noritica, genuinumque sensum protegit;
 Hac Umbra licet nomine nocti vicina, talis
 est, quæ sicut dies illuminat; Et hinc prælo
 & typo eam dignam censeo. Actum Pra-
 ge in Conventu Nostro Sanctæ Mariæ ad Nives,
 die 19. Martij 1676.

Frater Amandus Hermann,
 Sacro - Sanctæ Theologiae
 Lector Generalis & Actualis
 Professor.

CEN-

CENSURA
THEOLOGORUM
PROVINCIAE REFORMATÆ
MINORIS POLONIÆ

SANCTÆ MARIAE
ANGELORUM.

Quod aliquas umbra possit luci dare suppetias, ad hoc ut syncerius cernatur, Paradoxum dicerem, nisi quotidiana id ipsum comprobaret experientia: Certum enim est, dum quis resplendentem solis lucem pertinaci intentetur oculo, mox eum tantâ obvolvi caligine, ut nullum post visibile possit syncerè cernere objectum: Cui malo presentissimum adfert umbra remedium, dum nimio splendore disgregatum, iterum suâ congregat opacitate visum. Ita pariter in mentis oculo contingere solet sapè alias, maximè verò occasione lucis Apologeticæ Reverendi Patris Pelandi, non paucis ex nostris evenisse arbit-

arbitror, qui nimio hujus lucis splendore illecti, tot coruscantibus Approbationum radijs renitenti, pertinaciùs forsitan mentis oculos defixerunt, ut quasi quādam caligine capti, verum ac genuinum praecepti de pecunia sensum, discernere non possint. Opportunam igitur his objicit umbram ex Pelandiana luce, Marchantianæ veritatis corpore resultantem. Admodum Reverendus Pater Ludovicus Rozycius, Ordinis Minorum Provinciae Reformatæ Minoris Poloniæ Minister Provincialis Sanctæ Theologiae Lector. Hæc umbra (assecuro) non offendit oculos mentis, sed protegit, non ledit, sed sanat, dum suā opacitate, ceu quādam cucurbitulā splendentes Pelandianæ lucis species, ex vi intellectiva extrahit, eāmque dissipatam congregat, adeò, ut mens ipsa sibi redditæ, & in unum collecta ipsam controversia veritatem sincerius discernere, ac penetrare possit. Ac proinde quantum sentio, tantum judico opera pretium esse, ut hac Umbra Rozyciana in publicam lucem, umbras extrudatur prælo. Dabam in Conven-

—(8) + (9)—

ventu Glivicensi ad Sanctam Crucem , die
x, Novenbris, Anno 1676.

Frater Stephanus Urbanides , Or-
dinis Minorum Provinciæ Re-
formatæ Minoris Poloniæ Pater
Sacro - Sanctæ Theologiæ Le-
ctor , & Custos Vocalis.

UMbram Apologeticam , quam Ad-
modum Reverendus Pater Ludovicus
Rozycius , Provinciae Reformatæ Mi-
noris Poloniæ Minister Provincialis , Sacrae
Theologiæ Lector , adversùs lucis Apologeticae
urentes radios , tam famam Doctissimi Viri
denigrantes , quam verum intellectum quar-
ti Capitis Regulae Minoriticæ (ex se satis ar-
dui) obfuscantes , fideliter de verbo ad ver-
bum cum sue Lucis , & Admodum Reverendi
Patris Marchantij textu confrontando , mul-
tâ meâ satisfactione , & animi quietudine
per-

perlegi; in ea enim non solum acumen ingenij,
& accurata, adaequataque contrariorum ar-
gumentorum solutio, sed etiam genuina men-
tis quarti Capitis Minoriticae Regulae, ac
Declarationum Papalium elucidatio videri
potest. Utinam hac laboriosè conquisita, mo-
le quidem exigua, verum doctrinâ, ac subtilita-
te ponderosa Umbra, omnium, quos Pelan-
diana Lux læsit, recreandis anteponatur o-
culis; illâ enim opitulante, non quâ commu-
niter itur, sed quâ Zelatores puritatis Re-
gula Minoriticae ire debeant, vera &què ac sva-
vis facile cognoscetur via, timorat &què
conscientia Fratrum multis angustijs, ac in-
quietudinibus liberabuntur. Hoc ex animo
opto. Datum Cracoviae ad S. Casimirum.
Anno 1675. 4. Novembris.

Frater Joannes Bienkovius, Con-
ventus Cracoviensis Gvardia-
nus, Sacre Theologie Lector.

Opus-

Opusculum intitulatum : Umbra
 Apologetica , ab Admodum Re-
 verendo Patre Ludovico Rzycio ,
 Ministro Provinciali Reformatæ Provinciae
 Sanctæ M A R I Æ Angelorum in Minorie
 Polonia , Sacre Theologiae Lectore editum ,
 accuratè lustravi , & reperi , quod vitalis
 hæc Umbra , umbraculi instar sit , ne per in-
 terpositionem veritatis eclypsata Apologetica
 Lux officere queat ; quin potius cum Thauma-
 turga Petri certare videtur umbra , dum in-
 firmos de distinctione pecuniae à denarijs , per
 sanum intellectum erudit sensus , ut exem-
 ple Ecclesie sub umbra Juniperi confortari ,
 & ad montem Horeb festinantes , inoffenso
 pede , in studio , ac studio altissimæ Pauper-
 tatis Nostræ , curramus ad bravium supernæ
 vocationis , umbram pecuniae , seu denari-
 orum declinantes , donec aspiret dies , & in-
 clinentur umbræ . Proutde cùm prædicta
 Apologetica Umbra sit vitalis , ut potè redivi-
 dum SANCTISSIMI PATRIS NOSTRI
 FRANCISCI de pecunia , vel denari-
 is redolens sensum ac Spiritum , & Seraphi-

• 6) + (9)

et Regulæ nostræ in sua puritate observanda,
nendum aliquid non deroget, quin potius sit
profutura, ideo dignissimum censeo, ut hac
Umbra publicam videat lucem. Dabam
in Conventu Cracoviensi ad Sanctum Casimi-
rum, die Anno 1675.

Frater Constantinus Przystakowscius,
Sacræ Theologiæ Lector.



Licentia imprimendi hunc libellum
data est à Celsissimo, & Reveren-
dissimo Principe Domino Domino
JOANNE FRIDERICO Archi-
Episcopo Pragensi: (titul:)

it à testor

Pragæ 6. Maij.
Anno 1676.

Joannes Franciscus Liepure
Cancellarius.



PRÆFATIO.

Icet in hujus vitæ usura nil
gratiūs putetur, quām lucis
usura; *hæc enim* (ut inquit
D. Ambr. in Gen. 1. super il-
la verba , *fiat lux*) *est primus*
ornatus & sinè quo nullus ap-
paret ornatus; imò non defuere Philosophi,
qui ideo homines productos volebant, ut so-
lem intuerentur: hincque apud Latinos (a)
luce frui, lucem intueri, sumitur pro vivere:
Attamen & *hæc* quamvis præstantissima
creatura, habet aliquid quod multis non a-
deò probatur, ut enim Meteorologica taceā
lumina, ignes fatuos: qui luminis sui sequa-
ces ducunt in præcipitia, & nonnullas alias
exhalationes accensas, quæ solent apparere
navigantibus tempestate agitatis, & quan-
doque pro infeli existimantur signo. Eti-
am

A

(a) Cic. pro Milon.

am in splendidissima solari luce, hoc quilibet vituperio dignū advertere potest, quod vehementiori suā luce distinctæ plerumque officit visioni, Sol námque solus quodammodo lucere volens, ita cœlestia occultat phænomina, ut nullo modo stellas, astra, planetas intueri possimus: Unde fit: quòd lux diei sola nobis terrestria reddat perspicua, cœlestia verò nullo modo; adeò, ut magnus Vates David, cum splendidissimos illos cælorum orbes, Lunam & Stellas, digna Dei manibus prædicasset opera, Solis nullam fecit mentionem. (b) *Videbo cælos tuos opera digitorum tuorum, Lunam & Stellas.* Propterea ut observat (c) S. Petrus Damian. ser. de Assumpt. quia Sol lucidiūs incandescens, ita sibi Syderum & Lunæ rapit positionem, ut sint quasi non sint, & videri non possint. Hoc idem sæpè in splendidissima spirituali Sapientiæ & Scientiæ luce evenire solet, adeò ferventes nonnulli doctrinæ suæ nituntur diffundere radios, ut alios lucere nolint, doctissimas aliorum obscurant sententias, ut suæ illustres & conspicuæ evadant: quo-
rum

(b) *Psal. 8.* (c) *S. Petrus Damian. de Assump.*

rum inurbanum lucendi modum edocens
nos declinare Christus , quamvis esset spiri-
tualiter loquendo lux , quæ luces reliquas
magnitudine splendoris, obscurare & oppri-
mere valeret , ut esse conspicuæ nequirent,
neque scintillare possent ; tamen urbanè ni-
hilominis lucere voluit , ut amet optetque
omnes alios lucere & apparere , dum ut ob-
servat doctissimus Didacus Nissenus , (d) di-
ceret discipulis suis : Vos estis lux mundi .
Prodiit nuper in Hemisphærio nostro mino-
ritico lux Apologetica Authore Reverendo
Patre Clemente Pelando Bergomensi , quam
multis pergratam , veluti ad difficillimum
de pecunia præceptū illustrandum utilem ,
ut ex comprobationibus Doctissimorum
Virorum patet ; non inficior . Hoc tamen
in ea probare non possum , quod ardentiori-
bus zeli excandescens radijs , Sententiam
virorum valde literatorum , scilicet Admo-
dum Reverendi P. Cypriani Capucini Ant-
verpiensis , & Reverendi Patris Petri Mar-
chant Recollecti , quam etiam non impro-
bablem vocat P. Sanctorus de Melfi ut potè

A 2

vali-

(d) Did. Niss. Serm. Quadr. f. 370.

validissimis rationibus munitam, in verbis
Regulæ & Declarationibus Summ: Pontifi-
cuni Regulam approbantium fundatam,
Sanctorum qui in Ordine claruerunt & an-
tiquorum PP. traditione confirmatam, ob-
fuscare, obtenebrare nititur, errorem illum
appellans, & ut talem Lectoribus propo-
nens. Proinde, quia umbram materialem
ad res distinctius, meliusq; conspiciendas ju-
vare experientiæ suffragio didicimus, sicut
exemplis evincunt, qui de re obtica scripsे-
re; hinc enim fit, ut atra noctis umbra, ubi
terrestria velo tenebroso cooperuerit, statim
cœlestia aperit, ita ut in nocte stellas videa-
mus, quas lux ipsa diei nostris subduxerat
oculis, & Visio rerum perfecta, quam pleni-
tudo luminis nobis surripit, hæc à tenebris,
& umbris melius exhibetur. *Latere fax pu-*
llilla nocte non potest, inquit Poëta. Ideo &
ad hunc nimium spiritualis lucis ardorem
arcendum, ad umbræ confugiendum vide-
batur auxilium, istum videlicet exiguum
discursum (verè enim sermo, rei quædam
umbra est) ut Veritas nobis utriusque præ-
fatæ doctrinæ melius aperiretur conspicien-
da.

da. Et quidem maluissem, ut alias majo-
ris activitatis Luci umbram opposuisset, at-
tamen, ut quietius sub umbra illius sedeam,
quem concupiscit anima mea; & sub umbra
alarum veritatis protegar, & alij mihi com-
missi, hanc umbram confidere volui, umbra
homo. Et in præsenti tractatulo hanc obser-
vo Methodum, ut primò adducam ratio-
nes Patris Marchantij pro sua Sententia. Se-
cundò Responsiones Patris Pelandi. Ter-
tiò Insufficientiam earum deduco.



A₃ PARS



PARS PRIMA.

IN hae Parte P. Pelanus postquam prænottasset in Regula Fratrum Min. cap. 4. strictissimè præcipi Fratribus universis, ut nullo modo Denarios vel Pecuniam recipient, per se vel per interpositam Personam. &c. Ad clariorum dicendorum notitiam dicit se adducere verum & Germanum sensum Præcepti ejusdem, secundum communem expositorum Sententiam inquiens : *Quod secundum communiter Expositores per Denarios (in Regula nostra) intelligatur Moneta ex quogz metallo, seu materia confecta.* Sed ad majorem hujus rei dilucidationem.

Respondetur : Quòd quantum ad significacionem nominis Denariorum, quid propriè hoc nomine significetur, clarum est apud SS. Patres in sua Expositione cap. 4. quòd significetur signata Moneta , seu ut dicit Pater Marchantius : *quorumvis metallorum particulae, lege publica certis quibusdam figuris insignita, & pro pretio rerum Venalium instituta :* quæ ob id Moneta vocantur, quòd nos signi impressione, Authoris vel pretii moneant ; sicut etiam dicuntur Nummi, quod ex Græco significat legem ; quia, lege fuerunt instituta. Unde Layman Tom.

Tom. 1. lib. 3. fol. 143. Ad justitiam cūsæ monetæ, seu pecuniæ dicit requiri inter alia secundum Gloss. in cap Quanto. Verb. Patris de Jure juran. Silv. Verb. Falsarius. Navar. lib. 3. de Restit. cap: 1. num. 316. legitimam cūdendi authoritatem, quam etiam signum impressum indicat; nam monetam cūdere ex Regalibus unū est, ut constat ex lib. 2 Feud. c. 56. quæ sint Regalia. & lib. 2. de falsa Moneta. cūm enim numerus ob publicam utilitatem & necessitatem institutus sit, non nisi illius authoritate prodire debet, qui totius Communitatis curam gerit.

DIXI : *pro pretio rerum Venalium instituta*, seu quatenus sunt formale instrumentū emptiōnis, quia Denarij ut sunt materiale quoddam metallum, quod usib[us] Fratrum Min. cedere potest, sic Denariorū nomine non comprehēditur, nec consequenter ejus receptio est interdicta : *Quo modo licet Frater minor centum aureos recipere potest (secluso scandalo & maliitia omni seposita) non ut Genus aut Species monetæ sunt, sed ut ex isto auro calix conficiatur, aut calices dearentur, ut notat Hugo, quod tamen ob abusus, periculum, vel scandalum es- set cavendum, & non recipiendum aurum, nisi fractum, aut fusum.*

*Quantum ad nomen pecuniæ dicit Pater Pe-
landus, quod nomine Pecuniæ 4. Magistri su-*

8 UMBRA APOLOGETICA

per Regul. Fratrum Min. quid illo intelligatur, allegant antiquam Ordinis Constitutionem dicentes: Per interpretationem dicit Constitutio antiqua, Pecuniam esse, quicquid recipitur, ut vendatur. Unde libri & calices, si reciperentur intentione, ut auctoritate Fratrum postmodum venderentur, inter Pecuniam computantur: quia intentione Denariorum est in sic recipiente, quia quod venditur denariis venditur. Hæc quatuor Magistri, & Hugo de Dina. Ex quo ulterius notat Verisimilius esse hanc constitutionem esse in Primitiva Religione, tempore S. P. N. Francisci, si quidem dicebatur antiqua tempore quatuor Magistrorum &c.

Sed Respondetur ad hoc: Verum quidem esse quod 4. Magistri allegant præfatam Ordinis Constitutionem antiquam, non tamen eā approbant, sed potius reprobant, ut patebit in Prob. 6. Concl. 1. in fine. Unde negatur fuisse tam antiquam, quod viguerit tempore S. P. Francisci, vel si viguit, negatur eam esse de mente S. Patris; aliàs non reprobaretur à 4. Magist. Sed prosequitur P. Pelanus.

Expositio SS. Patrum Ordinis dicit: *Nomine Pecunia intelligitur qualibet res, quæ recipitur, ut vendatur.* Et allegat Decretale Nicolai 3. dicentis: Nec eo animo, ut distrahant, sive vendant, recipiant. Et exemplificando subjungit: *Sicut*

Sicut equi, arma, cera, panni qui veniunt cum funeralibus. Item granum quod petitur, & accipitur à Fratribus in messibus, non ut comedatur, sed ut vendatur, & omnia similia, Pecunia sunt: quæ indifferenter recipiuntur contra Regulam. Hæc ibi.

Sed hoc expressius, & clarius explicatum est in Capitulo Generali Pallensiello, Anno Domini 1480. celebrato, (a) cuius verba formalia sunt ista: Declaratur secundum Regulam, & Expositores ejusdem, quod nomine Pecunia intelligitur omnis res, quæ procuratur, & recipitur, non ut Fratres utantur ea immediate, sed eo animo, ut commutetur in aliam, vendatur, vel distrahabatur. Hæc ibi.

Quoniam vero Capitulum Generale (ut ajunt 4. Magistri & Hugo de Dina) authoritatem habet ab ipsa Regula ordinandi ea, per quæ Religionis puritas, & perfectio custodiri valet; (nam propter hoc, B.P. Franciscus Capitula Generalia celebrari voluit) ideo rationabiliter istam Capituli Generalis declarationem sequuntur communiter Expositores Regulae: quæ & practicè servatur ab his, qui puram Regule observantiam profitentur. Et hoc dum non extat aliqua Papalis declaratio in contrarium; quia si extaret, tunc standum esset Declarationi Pontificia, quæ cateris Doctorum declarationibus majori
vene-

(a) In Mom. Ord. Min. pag. mihi 40. (b) 4. Mag. & Hugo in cap. 8. reg. (c) vide fusijs Polit. Prel. 3. in reg. Fratrum Min.

veneratione habenda est: quoniam ad Papam pertinet aperire verum & simplicem Regula intellectum. Papalis enim declaratio, (ut sic) omnes obligat ad eius observantiam in utroque foro: cui absque ulla contradictione humiliter subjacere tenemur. Hucusque Pelandus.

Respondetur Expositionem SS. Patrum quod attinet. Quod sicut Corduba quæst. 6. introductoria discurrens dicit de Doctoribus aliquibus, seu Expositoribus Regulæ, aut de eorum dictis, non est curandum, quando contra aliqua contenta in Declarationibus Nicol. 3. & Clem. 5. loquuntur, quæ habent primum locum, quia scripsierunt ante prædictas declarationes, ut S. Bonav. Hugo; Quatuor Magistri & alij licet scripsierunt post prædictas declarationes sorte ex inadvertentia sequendo priores Expositores, aliter locuti sunt contra prædictas Declarationes: Ita in proposito, quia hæc Sententia, contenta in Expositione SS. Patrum de pecunia (sorte sequens citatam constitutionem antiquam) non videtur loqui conformiter ad declarationes Nicolai 3. & Clem. 5. ut ex infra dicendis patet; ideo non cogit, ut eam sequamur. Et quamvis pro confirmatione sua alleget Decretalem Nicol. 3. dicentis; Nec eo animo ut distrahabant, siue vendant, recipient, &c. hoc non convincit: quia in præfato textu id non prohibetur ex ea rati-

ratione, quòd hoc sit pecunia, sed tanquam proprium & superfluum ; nam statim subjungit Pontifex , quinimo in omnibus appareat in eis quoad dominium omnimoda abdicatio , & in usu necessitas : & patet ex titulo articuli, qui est : Cui competit dominium rerum Fratribus concessarum.

Eodem modo Respondetur ad declarationem Capituli Palleusielli, quòd scilicet contra eam stent declarationes Pontificiæ prædictæ, Nicol. 3. & Clem. 5. quæ ut ipsemet Pelandus dicit, majori veneratione habenda sunt. Nec adeo infallibilem Constitutiones Generales habent Spiritus assidentiam, quo minus falli, aut immutari possint (prout prætendit P. Pelandus) quandoquidem toties per sequentes Constitutiones rejectæ & abolitæ sunt, ut observat Sanctorus cap. 12. fol. 679. adducens Segoviensis cap. 8. §. 7. dicentia : omnia & Singula Statuta hucusque retroactis Capitulis & Congregationibus quomodocunque edita omnino abolentes, &c. Et antiqua Salmanticensia : in literis Cardinalis de Carpo Protectoris, in quibus dicitur : Cæteris omnibus tanquam resecatis & abjectis, &c. Et Corduba quæst. 6. introductoria §. 2. quoad Constitutions Ordinis recenset Capitulum Toletanum 1532. cum Capitulo Generali Parmensi, Tabulas Vic. Generalis 6, 16, 18, 19, in quibus anti-

antiquis ac non necessariis abolitis , tunc statuta observari mandantur. Et sic concludit Corduba standum esse Statutis , quæ pro tempore vi- guerint, quoad usum scilicet & consuetudinem, quæ firmat leges, quæ moribus utentium appro- bantur. cap. Erit autem lex dis. 4. Proinde li- cèt Statuta antiqua , res ad vendendum , com- mutandum , distraherendum , &c. receptas pro- priâ authoritate vocitent receptionem Pecuniaæ in Capitulo Generali Palleusiello ; quia tamen moderna Statuta ab *Urbano VIII.* confirmata, reducunt id ad proprietatem, ut postea patebit, his potius standum est. Ex quibus patet, quām inaniter invehitur P. Pelandus contra Patrem Marchant. quod à decisione illius Capituli Ge- ralis , & Sententia communi antiqua recedat , conformando se potius posterioris Capituli deci- sioni , & Declarationibus *Clem. 5. & Nicol. 3.* in sua Sententia, quam efficaciùs cavillare volens, P. Pelandus nonnullos in hac materia de pecu- nia Conclusiones adducit, & earum probationes resolvere nititur , per quod suum intentum an assequatur , ut clariùs appareat , sit P. March.

CONCLUSIO PRIMA.

Nomine Pecunia in Regula Fratrum Mi- nor. non potest intelligi res omnis quæ re- cipitur eo animo, ut vendatur, aut distra- hatur,

batur, sive ut in aliam committetur. Ita March. Croufers, & non improbatum putat Sanctorus. Probatur. Simplex intentio Regulæ & S.P. Francisci fuit, quod verba Regulæ simpliciter intelligentur, eo modo, quo communiloquentium sermone usurpatum est: Atque nomen pecuniae communi loquentium sermone non sumitur pro eo, quod recipitur, ut vendatur, vel distrahitur &c. Ergo nec in Regula sic accipi debet. Minor patet, quia quod est medium ad finem aliquem, non est necessarium ejusdem rationis cum fine, alioquin oporteret dicere; Merces Mercatorum quas comparant, ut eas divendant re ipsa esse Pecunias: immo quicquid venale est, esset pecunia; quod à nemine dictum fuit, nisi forte analogice valde diceretur, quatenus per eas pecunia acquiri potest. Major probatur ex Testamento S. Patris, ubi dicit, quod verba Regulæ intelligentur & observentur simpliciter, & sine glossa, ergo sic debent intelligi.

Respondeat P. Pelanus in sua Luce Apologética negando Majorem ex duplice capite. Primo: quia Testamentum non obligat, ut declaravit Gregor. 9. & Nicol. 3. Sed

Contra. Licet non obliget, potest tamen conducere ad intelligendum Regulam, ut elicetur ex Expositione 4. Magistrorum. cap. 5. & patet ex ipsa ratione, ut dicit Corduba fol. 80. Ergo &c.

Secun-

Secundò (inquit) quòd S. Pater præcipiendo ut verba Regulæ intelligantur simpliciter, & sine glossa, non præcipit, quod intelligantur secundum communem loquentium sermonem, sed prohibet glossas extortas, & impuras, & declarationes irrationalib[us], quæ Regulæ puritati & simplicitati contrariae sunt &c.

Sed contra. S. Pater in præfatis suis verbis duo facit. primò prohibet glossas in Regulam. Secundò præcipit, ut verba intelligantur simpliciter. Quantum ad primū, nulla est difficultas, quòd prohibeat glossas solum impuras, non autem illas, quæ purum eis intellectum declarant. Sed quantum ad secundum, quæro, quis sit ille sensus simplex quem observari mandat in intellectu Regulæ? non potest esse aliis, quam ille, qui in comuni modo loquendi usurpat: Ergo secundum hunc intelligi debet.

DICE Sfortè cum P. Pelando, sensum simplicem esse illum, qui continetur in declarationibus Pontificum & Doctorum idem cum illis sentientium. Sed contra. Vel hoc intelligitur ita, quòd Declarationes Pontificum & Doctorum præsupponant in verbis Regulæ certum sensum, & significationem eorum, cui se conformant in declaranda mente Conditoris Regulæ? vel ita, quòd verba Regulæ accipiunt sensum & significationem à Declarationibus? Si

prima

primū, hoc quidem verum est, ut patet ex Declaratione præsertim Nicol. 3. art. 1. & sequentiibus, qui intentionem Regulæ ex Verbis ipsiusmet colligit, ut legenti patet.

Sed quaro : quis sit ille verborū sensus, cui se Pontifices conformant in declaranda mente Legislatoris? Non potest esse alius, nisi ille, quem communiter homines formant, dum audiunt illa verba. Nec enim est præsumendum Pontifices & Doctores in exponenda Regula Fratrū Minor : recessisse à forma tradita à lege, & vulnerare quantum ad hoc decretales in Corpore juris inclusas : Ergo sensus juxta quem debent intelligi Regulæ verba, est ille, qui continetur in communi modo loquendi. Si secundum : *contra.* Ad colligendam intentionem S. Patris in sua Regulā, & verborum sensum, dantur Declarationes à Pontificibus & Doctoribus, ut mediante sensu, & significatione verborum, tanquam mentis, & intentionis S. Patris signorum, declararent mentem ipsius : Ergo præsupponunt in verbis sensum, & significationem, consequenter non dant illam verbis.

Objicies ex P. Pelando primō. S. P. Franciscus Regulam & Ordinem submisit determinationi, subjectioni, declarationi Sanctæ Sedis, ut patet ex Tract. defensoris contra deviantes notab. 1. pag. 258. Ergo non habuit intentionem nec habe-

habere potuit alligandi verba Regulæ suæ ad communem loquentium sermonem.

Reſp. Neg. Conſeq. Quid enim derogaretur per hoc, quod Pater Sanctus Regulæ suæ verba alligaret ad communem usum loquendi, authoritati Summi Pontificis, in approbanda, improbanda, vel declaranda Regula? Numquid hoc non obſtante non potuiffet Summus Pontifex Regulam cum verbis ad communem loquendi usum alligatis approbare, improbare vel declarare? Imò quod omnino necessarium fuerit, ut S. Pater verba Regulæ suæ ad communem modum loquendi alligaret, clarè ostendo ſic. Sanctus Pater velut Legislator per ſuam Regulam tanquam per legem intendebat & volebat obligare Filios ſuos ad certum vivendi modum in ipſa expreſſum; eamque ut talem ſubjiciebat approbandam vel reprobandam ac declarandā S. Sedi. Ergo debebat verba Regulæ suæ alligare ad certum loquendi modum, ut per illa ſignificaretur, tum Fratribus, tum S. Sedi mens i-
pius: quia & notat Layman de lege lib. I. tradi-
4. cap. 18. num. 4. Mens & Voluntas Legisla-
toris eſt veluti Spiritus & anima legis; unde o-
mnis viſ obligandi per verba tanquam per ſig-
na iuſtumentalia provenit. Sed non ad alium
potius, quam ad communem; quia ipſem et ta-
lis ſolūm fuit uſtatus: Unde decernitur in Ju-
re

re usum loquendi Legislatoris maximè atten-dendum esse pro habenda mente ipsius. Si ser-vus plurium §. Finali. ff. de leg. i. Roman. conf. 179. n. 5. & alij apud Moron. respon. 56. n. 6. Ergo ad talem loquendi modum alligavit verba suæ Regulæ.

Confirmatur. Summi Pontifices, præsertim Nicol. 3. & Clem. 5. declarando Regulam Minorum, & mentem S. Patris, recurrunt ad verba expli-cando ipsa secundùm communem loquendi mo-dum, ut patet legenti Declarationes eorum. Er-go signum est, quòd verba Regulæ suæ alligave-rit S. Pater ad communem loquendi modum.

Obijcies secundò ex eodem. Petrus Marchant in Quæst. Proæmiali q. 2. tit. 2. tractans de sensu li-ter. li Regula ponit exemplum in illis verbis. Regu-la & Vita Fratrum Minor. hac est, scilicet Domini Nostrí Jesu Christi S. Evangelium obseruare; & ex-plicando sensum literalem horum verborum sic ait: si grammaticaliter hac verba intelligantur falsa sunt, non enim tenentur Fratres Minores totum Evange-lium obseruare: si tamen intelligantur literaliter vera sunt: quia tenentur ad Evangelium observan-dum in ijs, quæ in litera Regula specificantur; ut Declaratio Nicol. 3. apertè dicit. Sed illa verba S. Evangelium Demini Nostrí JESU Christi &c. non solum sumuntur prototo Evangelio gram-maticaliter, sed etiam secundum loquentium

sermonem : Ergo verba Regulae non possunt intelligi secundum communem loquentium sermonem. *Resp. Neg. Minor.* Quod verba illa scilicet Domini nostri Evangelium observare sumpta cum ulteriori contextu illo scilicet vivendo in obedientia &c. secundum communem loquentium sermonem sumantur pro toto Evangelio. Sumpta enim cum illa modificatione & determinatione, *Vivendo in Obedientia sine proprio &c.* significant obligari fratres ad ob-servantiam S. Evangelij, per ipsam Regulam in ipsis tribus modificatam, vel determinatam, seu specificatam; ut bene deducit *Nicol. 3. vide ipsius formalia verba.* Unde non debent ita mutilè sumi verba in explicatione Regulae in communi modo loquendi, sicut sumuntur à P. Pelando hic, sed cum respectu ad antecedentia, vel subsequentia verba, quibus modificatur eorum legitimus sensus. Nam verba sequentia declarant antecedentia, leg. qui filiabus init. & leg. *Siservus §. final. ff. de leg. 1.* & notant Roman. consil. 231. Socin. jun. *in lib. fin. ff. de reb. dub.* Baldus *in l. si quando. ff.* & alij apud Pasqual fol. 428. Et juxta hoc Pontifices in suis Declarationibus explicant Regulam.

Hinc patet quod P. Pelanus male confundit sensum grammaticalem cum sensu in communi modo loquendi contento; cum potius hic sensus

coincidat cum literali, qui præter significacionem verborum, vel dictionum, amplius connotat, seu includit intentionem dicentis.

Objicies tertio Ex eodem. Si illa Major: quod Regulæ verba debeant intelligi secundum communem loquentium sermonem, esset vera, sequerentur multa absurdâ. Sequeretur enim quod non liceret Gvadianis recipere aliquem ad Ordinem de licentia Ministrorum, quia in cap. 2. ipsis tantum Ministris datur facultas recipiendi ad Ordinem. Itē sequeretur, quod Fratres non possint licentiare penitus inhabiles, qui venirent, ut in Ordinem reciperentur; quia Regulæ verba clare sonant apud omnes, quod venientes ad Ordinem mittantur ad Ministros. Item quod Gvadiani non possent recurrere ad Amicos spirituales; quia verba Regulæ communiter ab omnibus intelliguntur, quod Ministri & Custodes tantum hoc faciant. Item sequeretur, quod nullus posset promoveri ad prædicationis officium, nisi à Ministro Generali examinaretur; verba enim Regulæ secundum communem intelligentiam significant, quod id à Ministro Generali fieri debeat. Ergo &c. Resp. Neg. illas consequentias deductas, esse absurdas, attendendo communem loquendi modum, & tenorem Regulæ, imò quod hæc mens, & intentio Sancti Patris fuerit ab initio

Ordinis instituti , colligitur ex Declarationibus Nicol. 3. & Clem. 5. qui dicunt attento statu Ordinis præterito , in paucitate sui , hæc potuisse ut verba sonant , secundum communem modum loquendi observari , considerato tamen moderno in ampliato numero Fratrum statu , concedunt illa posse aliter fieri , recedendo quoad hoc à communi verborum sensu , & tenore Regulæ , ut notat Corduba explicando particulariter quamlibet Regulæ ordinationem citatam : ut tunturque hac in parte Pontifices dispensatione , non quidem relaxativâ , quæ appellatur *vulnus juris* , quia jus commune laedit ; sed declarativâ , quæ *Epikeia* dicitur , & æquitas , quam proinde Pater Marchant cap. 10. tit. 1. 9. 2. loquendo de istis ampliationibus Pontificū non tam dispensationem vocat , quam explicationem mentis Fundatoris , sive legis interpretationem , & Epikeiam rationabilem.

Confirmatur : Eadem Major Principalis Probationis primæ ex Jure Canonico. Primo. Cū interpretatio verborum potest fieri ex jure , & ex communi usu loquendi ; facienda est secundum communem usum loquendi , omissa illâ , quæ potest dari ex Jure. *I. stipulatio ista §. bi quog ff. de verborum obligatione* , & colligitur ex Glossa & ibi not. per Barthol. & notat expressè Innocen. cap. cùm clamor , & cap. cùm causam , de Testibus. Sed ver-

verba Regulæ Minoritanæ possunt & secundùm Jus interpretari (præsertim in proposito de pecunia , (a) ut defacto ex hoc solo fundamento ; quod jura Civilia distingvant inter denarios & pecuniam, sic interpretantur illa adversarij) & secundùm communem modum loquendi. Ergo omissâ interpretatione secundùm jus, debent explicari secundùm communem usum loquendi.

Confirm. Statutum juxta communem modum loquendi intelligi debet , sicut & cæteræ dispositiones etiam odiosæ l. labeo. ff. de suppelle-
ētil. legat. & l. librorum §. quod tamen (b) Cassius de leg. 3. & l. Cūm de lanionibus §. asinum ff. de fund.
instrument. & instit. leg. & præsertim in materia statutorum notat Barthol. in l. omnes populif. de justitia & jure , & facit quod notatur in cap. Ex literis de Sponsalibus. Item in verbis dispositio-
nis ille sensus admittendus est , quem homines formant communiter , dum audiunt illa verba. Mantica de conject. lib. 3. tit. 8. n. 4. Sed Regula Fratrum Minorum, est quoddam statutum, ac dispositio, & quidem odiosa sicut omnes aliæ prohibitiones. Ergo debet intelligi secundùm communem modum loquendi , & secundùm hanc Juris Regulam restringi & non extendi ad illa , pro quibus non accipitur in Vulgari signifi-
catione.

B 3

Con-

(a) vide Illumin. Moron. resp. 38. n. 25. fol. 147. (b)
Moron. resp. 16. n. 28. fol. 45.

Confirmatur secundò : Verba in lege posita juxta communem usum loquendi accipienda sunt, & ille verborum proprietati præferendus est, ut probat Glossa cap. nonnulli verbo ultra de Rescrip. & alibi apud Sanchez de matrimonio, lib. 6. fol. 466. Sed Regula Fratrum Minorum: est lex quædam pro tota Religione Fratrum Minorum: Ergo Verba in ea posita juxta communem usum loquendi accipienda sunt, non obstante quod alia esset secundum verborum proprietatem significatio, ut volunt in propositione de pecunia adversarij, præsertim Ponzanellus in sua dilucidatione. Hinc Emanuel Rodriguez qq. Reg. tom. 1. q. 11. art. 6. rectè docuit statuta, & ea quæ ad Regularem monasticamque vitam pertinent non esse interpretanda secundum rigorem & apices Juris, sed juxta aequitatem seu terminos juris naturalis & gentium.

Confirmatur tertio. Eadem Major. verba prolatæ ab inscio legum sunt interpretanda secundum communem usum loquendi l. Cùm autem cap. de donat. ante nupt. à Statutarijs vero & jurisperitis prolata debent intelligi secundum consuetudinem jurisperoritorum. l. Cùm de lani onibus §. asinum ff. defund. instru. Roman. consil. 4. Mantica de conject. lib. 3. tit. 8. n. 1. (a) surd. consil. 313. n. 87. Gonzales ad 8. Reg. gloss.

II.

(a) vide Moro. resp. 38. n. 24. fol. 147. mading. tom. 1. ann. ad annum 1226.

II. n. 63. Sed certum est, quod licet S. Pater Franciscus fuerit peritissimus rerum agendarum, ut de illo scribit Wading. & Regula ipsi fuerit dictata a Christo, ut idem testatur ad annum 1223, tamen non fuit statutarius, & jurisperitus; nec apices juris de nomine sciebat; immo hujusmodi literaturae omnino nescius fuit, & Regulam ut ipsem dicit in Testamento dedit illi Dominus, pure & simpliciter dicere & scribere. Ergo verba Regulae ipsius sunt interpretanda secundum communem usum loquendi.

Confirmatur primò Major Principalis. Legis explicatio non potest esse melior, quam illa quam facit legislator cap. Per Venerabil. qui Filii sunt legitimi. Mantica decis: 49. n. 13. Sed S. Pater loquens de sua Regula in Testamento, præcipit quod verba ejus intelligantur & observentur simpliciter, & sine glossa, id est simplici & communi modo loquendi: Ergo sic intelligenda sunt.

Quantum ad Minorem ejusdem, quod si in communi modo loquendi nomen pecuniae non sumatur pro eo, quod recipitur ut vendatur, vel distrahatur &c.

Respondet P. Petandus negando ipsam. primò quia supponit unum falsum, nimirum: quod verba Regulae intelligi debeant secundum communem locutionem. Secundò, quia procedit

de nomine pecuniæ solitariè sumpto , non verò combinando illud cum denariis, disjunctivè dicendo denarij vel pecunia. Nam hoc nomen pecunia (inquit) duobus modis usurpari solet, uno modo solitariè , alio modo combinando pecuniam cum denariis disjunctivè dicendo denarii vel pecunia. Primo modo nomen pecuniæ solitariè sumptum ; sumitur communiter pro denarijs, non pro re , quæ recipitur ut vendatur. Unde si in Regula diceret tantum : Præcipio firmiter ut nullo modo Fratres recipient pecuniam ; tunc omnes nemine discrepante intelligerent nomine pecuniæ denarios , non res quæ recipiuntur ut vendantur : verùm quia Regula dicit & iterum repetit , præcipio ut nullo modo denarios vel pecuniam recipient ; ideo Viri Doctissimi docent , nomine pecuniæ aliud significari à denariis in hoc præcepto.

Sed quantum ad primum ex dictis patet potius falsum esse , quod Regulæ verba non debeant intelligi secundum comunem modū loquendi.

Quantum ad secundum de nomine pecuniæ sumpto solitariè , & combinando pecuniam cum denariis distinctivè . Hoc eo ipso rejicitur , quia non probatur ; sed est gratis excogitatum ad eludendam difficultatem ; imò oppositum deducō sic. Dic̄tio vel aliquando stat declarativè , aliquando disjunctivè seu alternativè.

ve. Quando stat declarativè , tunc per illam dictum prius declaratur per posterius , & tunc debet poni inter duas dictiones idem significantes seu inter duo idem significantia ; ut notat Moronus respon. 7. n. 23. fol. 54. v. g. Si quis in fundatione dicat. Nullo modo eligatur in Capellatum , nisi Sacerdos vel Presbyter , qui celebret : nullo modo accipiet tunicam vel vestem meam . Et ita etiam particula vel usurpatur à Pontificibus , ut Nicol. 3. art. 6. Si verò contingat res hujusmodi æstimato pretio vendi &c. ordinamus & volumus quòd talis pecunia vel pretium recipiat & expendatur in rem licitam . Ubi pecuniam , vel pretium sumit Pontifex pro eodem . In statutis quoque nostris cap. 4. dicitur : Omnis Conventus habeat Procuratorem vel Syndicum Apostolicū ; ubi Syndicus & Procurator sunt idem non obstante particulà vel : quando autem stat alternativè seu disjunctivè , tunc ponitur quidem inter diversa , sed ut verificetur dispositio , quæ sub ea concipitur , satis est unum fieri , quamvis alterum non fiat , v. g. si quis dicat accipies pro mercede laboris bovem vel pecuniam , satis fit dispositioni , si unum accipiat , quamvis non aliud . cap. inter ceteras de rescriptis . ubi Parnomitan. n. 4. & Dacian. n. 12. & alii Doctores tradunt communiter , quos citat Barbofa lib. 2. Decret. de rescript. fol. 32. Et constat

stat etiam ex Reg. cap. 3. non debeant equitare, nisi necessitate vel infirmitate cogantur : ad cuius dispositionis impletionem sufficit adesse unam ex his causis, quamvis non adsit altera ; ut docent Expositores. Item ex Declar. Nicol. 3. qui art. 4. §. si verò dicit : liceat Fratribus &c. (si ad pri-
num dantem non possint vel nolint habere recursū)
cum ista Persona facere , sicut supra declaravimus posse facere cum prima. Ubi sufficit alterutrum non posse scilicet , vel nolle. Et §. 5. per quorum-
cunque manus pecunia, seu eleemosyna ipsa tra-
detur , sive per personas ab eo , vel à Fratribus
nominatas &c. Item Clem. 5. cap. 4. attendant
Fratres prefati, quòd pro nullis alijs causis , quam
pro dictis vel similibus in via vel alibi liceat recurre-
re eis. &c.

Quaro modo ex P. Pelando , in dicto Regulæ præcepto particula vel quomodo stat ? Cum di-
citur , nullo modo denarios vel pecuniam recipient ? non potest dicere , quòd alternativè seu disjun-
ctivè , aliàs ad implendum in hoc loco Regulæ Præceptum , sufficeret ut quis non accipiat pe-
cuniam , licet accipiat denarios ; vel è contra ;
quia ut dixi ad veritatem alternativæ , seu dis-
junctivæ negantis , ut verificetur dispositio illâ
habens , sufficit non fieri unum , quamvis alte-
rum factum sit , ut ibidem probat Barbosa cum
alijs , in leg. Si quis ita n. 192. in fine. ff. de verb.
oblig.

oblig. & in l. Si is qui. §. 1. versuſ utrū. ff. de reb. dub. Ergo debet dicere, quòd stet declarativè. Conſequenter in hoc præcepto hæc duo ſunt Sy- nonima, atque idem ſignificantia, denarij vi- delicet & pecunia.

Hinc ſiquensa cap. 4. textu 2. §. 9. de recursu ad Amicos ſpirituaſes poſtquam dixit, neceſſi- tati licet ſubvenire mediante Monetā vel pecu- niā, ſubdit; quæ in iſto loco pro eodem ſumantur.

Confirmatur: S. Pater ſicut in hoc loco dat ad paupertatis puritatē ſpectans præceptum, præcipio firmiter Fratribus, ut nullo modo de- narios vel pecuniam recipiant; ita cap. 11. pro puritate caſtitatis, ſub iisdem terminis dat præceptum de vitandis mulierum conſortiis vel conſilijs. Præcipio firmiter ne habeant ſuſpeſta conſortia vel conſilia mulierum; ponens ly vel de- clarativè inter duas diſtiones, fermè idem ſi- gnificantes, conſortium ſcilicet & conſiliū, niſi quòd una latiū pateat quām altera, nam omne conſilium eſt conſortium, licet non omne conſortium ſit conſilium. Unde Hieron. à Po- litio in cap. 11. Reg. ſcribens dicit, in eo tria nobis prohiberi, ſuſpeſta mulierum conſortia, ingressum ad Moniales, & Compatriotates, ſupponens quòd idem ſit non habere ſuſpeſta conſortia vel conſilia. Ergo etiam in hoc præ- ceptō de Denarijs vel pecunia ſic dici debet.

DICE S. Eadem particula *vel* ponitur disjunctivè (quia inter diversa) in eodem cap. 4. dum dicitur : *Nullo modo &c. recipiant per se, vel per interpositam personam,* & tamen ad hoc, ut dispositio istius præcepti impleatur, non sufficit alterutru observari, sed utrumque. Ergo quamvis etiam disjunctivè ponatur (consequenter tanquam inter diversa) inter denarios & pecuniam, non sufficiet unū observari & non aliud.

Resp. neg. Antecedens. Sed ponitur declarativè, quia non ponitur inter diversa formaliter; ita quòd aliud prohibeatur sub illa particula per se, & aliud sub illa per interpositam Personam; nam utrobique prohibetur denarios vel pecuniam auctoritate Fratrum recipere & expendere: hæc enim formaliter sonat recipere, ut notat Sanctorius fol. 558. & includit secundum Hugonem proprietatem & usum. Possimus autem auctoritatem nostram exercere, tā per nos ipsos, quām per alios; ita ut quòd ab aliis nostro nomine & auctoritate sit, à nobis fieri censeatur: juxta illud : *Qui per alium facit, per se facit.* *de restit. Spoliator. cap. Cūm venisset:* ideò S. Pater ad eiusdem præcepti declarationem ponit illas duas particulas, *per se vel interpositam personam;* ita quòd illa particula *vel* ponatur inter duo idem significantia moraliter: nam persona interposita, hoc loco est vélut Persona Fratris

tris repræsentativè, fratrem repræsentans, & in
eius quasi virtute recipiens, ut dicit Marchant
fol. 225. unde non obstante hâc particulâ vel po-
sitâ inter denarios & pecuniam, *glossa in Clement.*
Exivi verbo Cippi vel trunci, postquam assigna-
vit differentiam inter denarios & pecuniam,
quod S. Denarius est, qui pro decem nummis
olim imputabatur: pecunia verò propriè est
substantia de pecoribus proveniens &c. subdit;
quod tamen hic accipitur pro eodem.

Nec valet dicere cum Ponzanello accipi pro e-
odem, non quoad substantiam, sed quoad ob-
ligationem coarctantem Fratres ne recipient il-
lam. Quia eo modo dicit, hic seu in hoc loco,
ubi agitur de Præcepto Regulæ, accipi pro eo-
dem, quo superius dixit distingvi, ut patet ex
particula adversativa *tamen*, quæ ex natura sua
ponit in secundo casu diversum ab eo, quod po-
situm est in primo: aliàs inconsequenter loque-
retur, sed supra dixit pecuniam & denarios di-
stingvi quoad substantiam. Ergo hîc dicit esse
idem quoad substantiam. Et certè hâc ratione
non solum denarius & pecunia deberent dici
idem, sed omnia prorsus ut proprietas, equita-
tio sine necessitate cogente aut infirmitate &c.
possent dici esse idem, cum denarijs & pecunia,
scilicet quoad obligationem coarctantem Fra-
tres; cùm ad omnia æquè strictè obligentur Fra-
tres,

tres, sub peccato nimirum mortali. Nec est alicujus momenti differentia, quam adhibuit P. Ponzanellus inter prohibitionem denariorū & pecuniæ; quod scilicet Denarij seu Pecunia numerata prohibeantur absolutè & sinè ulla exemptione, ita ut nunquam ac nullo modo licitum sit Fratri Minorī (regulariter loquendo) eam contrectare : Pecunia verò largè sumpta, sive omnia quæ reduci possunt ad pecuniam numeratam, ut secundum communem accipitur, in Regula prohibetur, non sic absolutè ac principaliter, sed quatenus tendunt ad usum & contrectationem pecuniæ numeratae; cum exceptione quod Fratres possint uti aliquibus in propria specie, quæ sunt prohibita solùm, quando non sunt apta ad talem usum ad quem deservire deberent; ut quando recipiuntur aut quæruntur à Fratribus mediante pretio. Hoc inquam nihil valet, quia sicut usus pecuniæ largè sumptæ, v. g. Domus, Panis, Olei, &c. aliquando est licitus, aliquando illicitus; ita usus Denariorum seu pecuniæ numeratae, aliquando est licitus & non prohibitus, aliquando illicitus & prohibitus: ut patet in respons. ipsius P. Peplandi ad probationem P. Marchantij quintam suæ Conclusionis, & omnino æqualiter prohibetur in Regula denarius ut denarius, sicut pecunia ut pecunia, supposito quodd distingvantur.

Nec

Nec rationabiliter facit P. Ponzanellus pro parte sua trahens doctrinam Seraphici Doctoris, quasi id insinuaret in suo discursu, dum in sua Expositione c. 4. dicit præcipi, ne recipient denarios vel pecuniam, vel ullam possessionem terrenam in pecoribus, sive generaliter in omnibus, quæ paupertatem altissimam labefaciunt; & præcipue loquitur de pecunia numerata. Sic ille (inquit Ponzanellus) ubi verba videntur facere dictum sensum attentâ illâ dictione præcipue, quæ de Jure majorem esse rationem ostendit, in Pecunia numerata prohibitionis, quam in aliis: catena tamen non excludendo, ut patet per Barbos: dict. l. 97. & 275. Et sic non solum pecunia numerata, sed & alia ad illam censemur in Regula Fratrum Minorum prohibita, quæ est communis expositorum & PP. Sententia. Hæc Ponzanellus.

Sed quam immerito ostendo: quia Seraphicus Doctor non dicit possessionem terrenam in pecoribus, & in omnibus quæ labefactant paupertatem, esse prohibitam in hoc C. 4. Regulæ: alias nec ipse distingveret Capitula & prohibitions Regulæ, ut dicunt 4. Magistri; constat enim quod proprietas & possessio rerum prohibetur cap. 6. loquitur ergo S. Doctor de Tribus sequentibus Regulæ capitibus, quarto scilicet; quinto, & sexto, tanquam de tribus portis spiritualis Civitatis, contra Aquilonis insidias
muni-

munitæ, ut patet ex textu ipsiusmet, quarum prima (id est quarta) excludit periculum Ju-dæ, pro pecunia Dominum tradentis ; secunda tollit periculum fictæ Religionis : tertia aufert periculum multitudinis, pro communibus ap propriatis rebus contendentis : dicit ergo S. Doctor, quòd volens Dominus per S.P. Fran-ciscum à Religione sua (quām Hortum conclu-sum , & fontem signatum immediatè appellat) radicem avaritiae penitus excludere, præcepit (scilicet in his tribus Capitibus Regulæ) ne re cipient Fratrss denarios vel pecuniam , vel ullā possessionē quæ altissimā paupertate labefactant. deinde de hoc cap.4. particulariter determinans dicit & præcipue (id est hic cap. 4.) loquitur de pecunia numerata , ita ut ly præcipue referatur ad caput quartum , cætera etiam includendo in prohibitione , non in hoc , sed in aliis sequenti bus capitibus. Et quòd hoc velit S. Doctor, colligitur , dum dicit in hoc cap. 4. excludi periculum Judæ Dominum tradentis pro pecunia ; quæ utique fuit numerata. Item dum di cit ulterius hoc præceptum trahi ex Evang. Matthæi 10. ubi dicitur : *Nolite possidere aurum neg₃ argentum neg₃ pecuniam.* In quo loco expo sitores , præsertim Cornelius putat prohiberi pecuniam numeratam , ita ut per aurum , intel ligantur nummi aurei ; per argentum , argen tei ;

tei; per pecuniam , quicunque alij nummi ; v. g. ænci prout ibidem deducit ex Græco. *Triplic inquit Cornelius, est pecunia: Aurea, Argentea, Ænea; imò omnis pecunia ait Budæus de Asse, primo fuit Ænea, deinde Argentea, demum Aurea:* Ergo cùm illud præceptum idem, secundùm D. Bonav. quod ponitur in citato Evangelii loco , ponatur & in hoc cap. 4. Reg. eandem in se prohibitionis continebit materiam , ita ut denarij & pecunia utrobiique sumantur pro pecunia numerata , ac ita sint ferè Synonyma juxta D. Bonaventuram.

Probatur secundò Principalis assertio , quòd scilicet pecuniæ nomine in Regula Fratrum Minorum non possit intelligi res omnis , quæ recipitur eo animo ut vendatur , aut distrahat &c. sic : Nicol. 3. in Extravag. Exiit qui seminat &c. permittit Fratribus Minoribus , accipere legatum alicujus domûs , agri &c. Ut per personas idoneas vendatur , & pecunia in Fratrum necessitates expendatur. Ergo secundùm Nicol. 3. legatum , sive domus quæ acceptatur , non est pecunia ; sed potius pecunia ex domûs venditione conflatur , quæ tum demum per personas idoneas in necessitates convertitur : Ergo nec similiter granum , aut aliud quodvis (exceptis denarijs) quòd Frater Minor recipit ad hoc , ut per Personas idoneas vendat , distrahat , aut com-

mutet reputari debet pecunia formaliter, quamvis ex illa re pecunia conflari possit.

Respondet P. Pelandus negando hanc secundā Consequentiam : Ergo nec similiter granum, & assignat disparitatem inter legatum domūs, & granum mendicatum. Legatum enim (inquit) domūs non est pecunia respectu Fratrum; quia venditur à personis idoneis de intentione & autoritate legantis ; & ab eo deputatis ; non autoritate Fratrum , qui nullam in tali legato autoritatem habent, nec habere possunt. Nec aliud facere possunt, quam manifestare dictis personis suas necessitates, servando omnes conditiones à Nicol. 3. circa pecuniā assignatas. Sed granum mendicatum ut vendatur est pecunia respectu Fratrum ; non solūm, quia intendunt commutare granum in denarios , vel uti grano loco denariorum dando illud pro estimato pretio , pro emptione aliarum rerum , vel pro solutione debitorum : sed etiam quia granum non venditur à donantibus , nec à personis idoneis , à donantibus deputatis , nec de eorum intentione & autoritate ; sed venditur vel à Fratribus , vel à personis à Fratribus deputatis , que non possunt esse Personae idoneae , sed potius sunt persone interpositae contra Regulam. Sed

Contra primo. Ut aliquid non fiat autoritate Fratrum , non est prohibitum in hoc capite de pecunia, sed id prohibetur cap. 6. ut benè adver-
tunt

tunt 4. Magistri cum Hugone in cap. 4. Regule : Ergo quod venditio fiat auctoritate Fratrum non erit contra hoc præceptum, sed contra illud sextum, consequenter venditione auctoritate Fratrum fieri, non erit recipere pecuniam, sed potius appropriare sibi aliquid.

Confir. Statuta Reformat. Generalia Romana 1643. confirmata ab Urbano 8. in cap. 6. Reg. n. 5. decernunt sic : *vendere vel procurare ut vendantur quocunque modo res, quæ nascentur in horis nostris, est proprietas : sicuti etiam esset vendere res procuratas pro usu Fratrum, nisi fortasse haberetur licentia ab ipso donante ; & hoc fieret mediante Syndico Apostolico, & propterea debent tales puniri ut proprietarij.* Ergo secundum Statuta Fratres recipientes, procurantes &c. res ad vendendum, distrahendum, impingunt in præceptum de proprietate vitanda, non in præceptum de pecunia non recipienda. Quamvis enim hic Statutum loquatur expressè de rebus procuratis pro usu Fratrum, tamen de his, si vendantur, distrahantur, & loco denariorum operarijs & Mercatoribus dentur, eadem est ratio secundum P. Pelandum suæ lucis sol. 34. ac de illis quæ mendicantur, recipiuntur, ut vendantur, commutentur &c. quantum ad rationem pecuniae.

Confirmatur secundo : Non est necesse, quod
C 2 *Fra-*

Fratres procurando & mendicando granum , oleum &c. ut vendatur, intendant commutare granum in denarios , vel uti grano &c. loco denariorum , sed possunt circa hæc ita se gerere , sicut dum acceptant legatum , v.g. Agrum , Vinea m &c. ut vendatur, & pecunia in eorum necessitates commutetur , scilicet intendendo solum res sibi necessarias in specie : & venditio fieri potest vel per amicum spiritualem, autoritate donatarii (cuius si in similibus casibus de aliqua causa rationabili non possint habere expressam , præsumptam seu interpretativam licentiam & voluntatem ajunt sufficere Expositores , præsertim Politius in cap. 4. Reg. fol. 38 o.n. 34, §. si indeterminatè &c.) vel autoritate Papæ per Syndicu m , si dominium rei sibi non reservavit donator : Ergo saltem taliter recipere res , ut granum , oleum &c. ut vendatur , non erit recipere pecuniam , hoc autem sufficit intentioni Patris Marchant. Nec sanè apparet ratio : Quare Fratres acceptando legatum domus v. g. agri &c. ut vendatur , & pecunia in eorum necessitates convertatur , non intendant legato illo uti loco denariorum , consequenter non recipient pecuniam ? Et quare mendicando granum , oleum &c. ut vendatur & pecunia in eorum necessitates convertatur , intendant uti grano , oleo &c. loco denariorum , & consequenter

ter recipient pecuniā? vel quare possint facere illa legata vendi authoritate alienā, scilicet vel Ecclesiæ, veldāntis, & quare non possint ita vendi facere granum, oleum &c. sed authoritate propria.

Contra secundo: Dato non concessō quod res mendicatæ ut vendantur, distrahantur &c. sine pecunia, certūm tamen est ex Corduba in cap. 4. q. 4. punct. 3. res illas non prius posse habere rationem pecuniæ, quām re ipsā & ex pacto intervenire solito inter emptorem & venditorem tales res tradantur: Ergo quando petuntur & accipiuntur à Fratribus, & quām diu manent in manibus Fratrum non sunt pecunia respectu Fratrum; neque est receptio politica pecuniæ respectu ipsorum, si non accipientur, ut authoritate Fratrum vendantur, aut distrahantur (ut supponitur posse imò debere omnino fieri) quia non convenit eis definitio pecuniæ, neque receptionis pecuniæ per se, consequenter solum respectu amici spiritualis distrahentis, seu respectu ejus, cuius authoritate venditur, seu distrahitur, est pecunia, & politica receptio pecuniæ. Et concordant cum his expressè: *Sunt Angel. tit. peccunia, & sum Ros. eodem tit. & speculum ff. 6. & Tab. 19. Vicarij Generalis ubi habetur*, quod res quæ petuntur ut distrahantur, tradantur amicis spiritualibus distrahendæ. vid. Cord. loc. cit.

DICES cum P. Pelando : Syndicos & Procuratores Papæ non esse personas idoneas ad vendendum granum , oleum &c. & alias res mendicatas hæc intentione à Fratribus , ut vendantur : quia tale dominium ad Ecclesiam Romanam & Papam non pertinet. Pontifex enim recipit dominium solum rerum mobilium , que sunt in usu Fratrum & Ordinis , & interdum contingit eas vendi aut commutari ob vetustatem , aut inutilitatem : non autem mobilium , quæ recipiuntur ut vendantur , ut patet ex Nicolao 3. art: 6. §.
Quia vero.

Ad hoc antequam respondeam : prænoto , in hac instantia P. Pelandi involvi quæstionem minime in praxi utilem , ad puritatem observantie Regulæ Minoriticæ , sed magis curiosæ & speculativæ : an scilicet pecunia Fratribus pro necessitatibus præsentibus vel imminentibus donata , vel pro laboritio oblata , aut ex testamento legata , cuius dominio dantes omnino renuntiant , maneat in Dominio Papæ seu Ecclesiæ Romanae ; sic enim illam resolvit Cordub . fol. 397. ex D. Bonav . in Epist . ad Magist . Innominat . quod non pertinet scire ad Fratres , cuius sit illa pecunia ; sicut neque de aliis rebus aliorum hominum pertinet ad Fratres scire , cuius sint , cuius non : dummodo ipsorum Fratrum non sint omnino : & hoc sufficit ipsi Fratribus pro ipsorum conscientia . hæc ille . & concordat

cordat Hugo cap. 4. dicens : *Non tibi dat quisquam nisi vult expropriari : nec tu quid recipis, nisi velis ei dominari.* Namque recepta data, sibi sunt adversa relata : *dans suo privaturn, recipit qui post dominatur :* nam sine consensu vero, vel interpretativo saltem tacito, vel probabiliter præsumpto non acquiritur ulla possessio, etiam in foro humano, ut D. Bonav. cap. 4. ait. Vide Chronicon de Sancto Patre, qui expulit Fratres ex domo Bononiensi, eò quod dicebatur domus Fratrum, part. 1. lib. 2. cap. 20.

Particulariter tamen ad Instantiam Respondendo.

DICO primò : Personas idoneas ad vendendum granum, oleum, & alias res mendicatas à Fratribus intentiones eas vendendi (dato non concessò, quod essent pecunia) esse vel ipsi met Benefactores granum, oleum &c. dantes ; vel substitutos ab ipsis, quod si ipsi met nolint vendere committare &c. nec etiam per se substituere ut secundùm Cordu. ad cap. 4. quæst. 9. fol. 384. in quotidianis mendicatiōnibus probabiliter creditur fieri, tunc Fratres debent eis depositarium nominare quemcunque voluerint, qui ex consensu expresso, vel probabili præsumpto ipsorum met dantium distrahat, vel vendat illud granum, oleum &c. cuius substituti munus potest obire etiam Syndicus Apostolicus, si ita Benefactori placuerit. Unde E-

manuel Rodericustom. 3. quæst. 39. postquam adduxit authoritatem Statutorum Generalium Toletanorum decernentium non esse contra Regulam uti Syndico etiam ad deponendum pecunias secundum Martin. 5. Constit. Ipsemet hoe (præ suppositis necessitatibus veris, præsentibus, vel imminentibus) esse sine dispensatione & relaxatione Regulæ deducit. Pecunia enim (inquit) prædicta in nomine dantis apponitur, qui prædictis necessitatibus providet secundum Declarationem Nicol. 3. & Syndicus apponitur & constituitur à Papa (scilicet Martin. 5.) ut quædam Generalis Persona, quæ nomine dantis prædictam pecuniam consumat, in quo exonerat ipsum dantem ab inquisitione alienus personæ, cui talis pecunia suo nomine conservanda tradatur; dantes enim, eleemosynam facientes dictis Fratribus, nolunt Personā querere, dicentes eos satisfacere, eleemosynam largiendo, & non intelligentes Regulam prædictorum Fratrum, ad eos inquisitionem prædictæ personæ remittunt. Et hæc responsio ut magis conformis Regulæ juxta Declar. Nicol. 3. in praxi amplectenda. Quia tamen P. Marchantius tenet secundum puritatem Regulæ, rerum hujusmodi, ac pecuniarum, quas à se dantes omnino repudiant, dominium devolvi ad Sedem Apostolicam, secundum ipsius fundamenta ad præfatam P. Pelandi instantiā.

DI-

DICO secundo : Personas idoneas ad vendendum
granum , oleum , &c. esse Syndicos Apostolicos ,
tanquam Sedis Apostolica delegatos . Neq; hoc ad-
versatur decisioni Nicol. 3. qui licet §. Quia ve-
rò . recipiens in dominium res Fratrum , expressè
nō loquatur de rebus mendicatis , ut vendantur ,
aut distrahan tur &c. sed solum de rebus , quæ
erant in usu Fratru ; tamen etiam istæ jure coni-
muni & antiquo in illius dominium devolvun-
tur ad effectus licitos & intentos , prout ipse met
Nicol. §. ad hæc , innuit , ostendens ea , quæ prop-
ter D E U M offeruntur ad Sedem Romanam , &
Pontificem devolvi (si dominium sibi donantes
non reservarunt) quod & contingit in admini-
stratione bonorum hospitalibus , Xenodochiis ,
vel mensæ pauperum , relictorum , quæ (si do-
nantes aliud non exprimant) in administratio-
nem Episcoporum , taquam Sedis Romanae dele-
gatorum transeunt . vide Concil. Trid. Sejj. 22. de
Reformatione cap. 6. & 8. Et Sejj. 25. de Reforma-
tione cap. 4. Imò aliquando in Administratione
Reipublicæ transire solent jure ordinario . Vide
Barth. in Minorica . l. 2. dist. 4. §. 2. & § 3. Er-
go seclusa etiam ordinatione particulari Ponti-
ficiis , jure communi res illæ , quæ recipiuntur ut
vendantur , commutentur &c. quarum domi-
nium dantes sibi non reservant , pertinent ad do-
minium Papæ . Nec sanè est ulla ratio concer-
nens

nens puritatem Regulæ nostræ, cur hujusmodi res non maneant in Dominio Papæ, sicut & illæ, (suppositâ necessitate præsenti, imminenti Fratrum, & quòd dantes renuntient dominio taliū rerum) Ergo sunt in Dominio Papæ.

Si dicas : Pontifex citato articulo expresse dicit se non recipere in Dominium suum illa, quæ recipiuntur eo animo ut vendantur, distrahan-
tur &c. ergo nō potest dici, quòd recipiat. Resp.
Antecedens debere intelligi de ijs, quæ vendun-
tur, distrahuntur, ad superfluitatem, divitias,
seu copiam derogantem paupertati : sicut nec
utensilia, nec ulla alia, quorum secundūm se
usum ad necessitatem, & officiorum sui statūs
executionem licet habere, recipit in domini-
um ; si similiter ad superfluitatem, & divitias
recipientur : unde subdit ; quinimò in omni-
bus appareat in eis quoad dominium omnimo-
da abdicatio, & in usu necessitas. Nos autem
loquimur de illis, quæ recipiuntur ut vendan-
tur, distrahantur, & sunt necessaria ; si non in
se immediate, in illis tamen, quæ per illa ac-
quiruntur. Quòd autem debeant sic intelligi
verba Pontificis patet : quia postea domos, a-
gros, Vineas &c. permittit recipi, ut per perso-
nas idoneas vendantur, distrahantur &c. ut to-
ties repetitum est : quod non esset verum, si sim-
pliciter omnium rerum, quæ eo animo recipi-
untur

untur ut vendantur, renuntiaret dominio. Unde Pater Hier. à Politio in cap. 6. Reg. scribens, n. 16. postquam determinavit pecuniarum, armorum, equorum &c. ad Dominium Ecclesiae Romanæ non spectare, subdit, attamen pecuniaria legata, quæ Fratribus fiunt, eorumq; dominium, Romana Ecclesia in se recipit, si Fratres illis indignerint saitem quoad autoritatem illa dispensandi. ut ex Bull. Mart. 4. patet: Ex quo, nomine Ecclesiae & ejus autoritate Syndicus Papæ ea potest recipere, petere & expendere in Fratrum necessitates; ut sup. c. 4. dictum est. Hæc ille censens hanc Martini provisionem non contrariari Regulæ puritati. Et Declarationibus Nicol. 3. & Clem. 5. & in caput. 4. Idem. & in cap. 4. Reg. idem author scribens num. 37. ad finem, habet sic: *Pecunia dominium, quod dans nullo modo apud se esse vult, secundum Innocentium, Nicolaum & Clementem predictos, in suis declarationibus erit Ecclesia & autoritate ipsius Ecclesiae in necessitates Fratrum expendetur.* Quod habetur expresse in serena Conscientia, ubi etiam dicitur, quod Martinus 5. se in hac parte gessit secundum Declarationes Nicol. & Clementis vid. ibi quæst.

§3.

Confirmatur. Res illæ receptæ ad vendendum, commutandum &c. pro necessitatibus Fratrum præsentibus vel imminentibus, debent esse aliqui

cujus Dominii, nec manere sub incerto Dominio: Sed nou sunt Fratrum; quia suppono non velle Fratres illarum dominium sibi usurpare; nemo autem invitus potest esse dominus alicujus rei: nec sunt dantis, quia illas abdicavit, ut suppono, aliàs non esset verum, quod dicit Pontifex per talem abdicationem res constituit in incerto Dominio; sic enim discurrit Papa Art. 3. §. ad hec: *Cùm Fratres ipsi nihil sibi in specie acquirere, vel eorum ordini possint etiam in co muni, & cùm aliquid ipsis propter Deum offertur, conceditur, vel donatur, ea (si secus non exprimat) offerentis, concedentis, vel donantis verisimiliter credatur fuisse intentio, ut rem hujusmodi concessam, oblatam, vel donatam perfectè concedat, donet & offerat, à se abdicet, & in alios transire cupiat propter D E U M; nec sit Persona in quam loco D E I congruentius Dominium hujusmodi transferatur, quam Sedes præfata, vel Persona Romani Pontificis Christi Vicarij, qui Pater est omnium, & Fratrum Minorum nihilominus specialis: ne talium rerum sub incerto videatur esse Dominium &c.* Ergo dicendum est quòd talium rerum quæ recipiuntur, ut vendantur, distrahantur &c. pro necessitatibus Fratrum, dominium maneat, apud Summum Pontificem, ne maneant sub incerto dominio; supposito quòd dantes eorum dominium à se abdicent. Hinc Statuta Generalia Reformatorum de Syndico ad

4. caput Regulæ, n. 3. decernunt in hunc modum : *Quilibet Conventus habeat Procuratorem, vel Syndicum Apostolicum, vel ad summum unum alium Substitutum, & tales & non alij nominentur à Patre Generali, vel Provinciali, ut habeant curā Eleēmosynæ pecuniariae assignatae pro necessitatibus præsentibus, vel imminentibus, casu quo ille qui dedit, nollet servare.* Et pro hac decisione adducunt Nicol. 3. & 4. Martinum 4. & 5. Eugenium 4. Sextum 4. Vallis. 1593. Ergo supponunt Statuta etiam secundūm Nicolaum 3. habere authoritatem Syndicum à Sede Apostolica recipiendi in dominium Ecclesiæ etiam pecuniarias Eleēmosynas, pro necessitatibus Fratrum præsentibus vel imminentibus oblatas, casu quo offridentes non reservarent sibi dominium : neque enim Generales & Provinciales authoritate propriâ possent ad hoc tales nominare Syndicos ; alias non essent Syndici, sed personæ interpositæ. Item eadem Statuta n. 4. declarant, Syndicum non solūm habere authoritatem à Sede Apostolica, vendendi, comutandi &c. res, quæ sunt in usu Fratrum, & factæ sunt inutiles ; sed etiam recipiendi nomine Sedis Apostolicæ omnia mobilia, & immobilia Fratribus oblata, vel Testamento relictæ : sic enim dicunt : *Declaratur antem quod possimus uti Syndico in duobus tantum casibus, quorum primus est, ut possit recipere nomi-*

ne Sedis Apostolica omnia mobilia & immobilia Fratribus oblata, donata, vel relictæ in Testamento. Secundus est casus, ut possit nomine Sedis Apostolica vendere, alienare, vel commutare res, quibus non possunt Fratres licet uti, vel quæ sunt inutiles, & pretium convertere pro necessitatibus Fratrum. Ergo falsum est, quod Pontifex recipiat in Dominum solùm illa, quæ sunt in usu Fratrum, & interdum contingit vendi ea, vel distrahi &c. quandoquidem Statutum dicit quod etiam res, quibus Fratres non possunt uti, & vñiversaliter omnia mobilia & immobilia, oblata, donata, &c. Syndicus accipiat nomine Sedis Apostolicæ, consequenter falsum est, quod Syndicus non sit persona apta ad vendendum res oblatas Fratribus hæc intentione, ut vendantur, comutentur &c. Item Statuta Generalia apud Sanctorum cap. 4. Stat. 3. ordinant sic: Eleemosynæ omnes Pecuniariæ pro necessitatibus Fratrum quoquo modo advenientes per Syndicos Apostolicos de consensu Pralati tantum expendantur. Item Statuta Generalia Reformatorum ad Cap. 4. Reg. n. 10. dicunt. Declaratur Proprietarius, quicunq[ue] procurat res ad commutandum illas propriâ authoritate, in alias licet necessarias; quia hoc esset contra Regulam; nisi hac commutatio notificetur danti. Postea subdunt, & tunc debet fieri mediante Syndico. Ergo supponunt Statuta, & quod Fratres res ad com-

commutandum , distrahendum &c. propriâ au-
thoritate procurantes peccant contra præcep-
tum de non appropriando ; non verò de non re-
cipiendo pecuniam ; & ulterius quod Syndicus
Apostolicus sit Persona idonea ad commutandas,
distrahendas &c. hujusmodi res. Sed non pos-
set esse Persona ad hoc idonea , nisi haberet au-
thoritatem ab Ecclesia , seu Pontifice Romano ;
nec Pontifex posset dare authoritatem talem nisi
reciperet in Dominium Ecclesiæ res taliter re-
ceptas , (supposito quod dantes non reservent
sibi dominium.) Ergo recipit illas in Dominiū.

Confirmatur. Nicol. 3. recipit in Dominium
Ecclesiæ omnia mobilia præsentia , & futura ,
quorum usum facti scilicet Ordini vel Fratribus
ipsis licet habere : Sed rerum quæ recipiuntur
ut distrahantur &c. usus facti est licitus Fratri-
bus ; nam grano mendicato eo animo , ut ven-
datur , possum licet uti , in ea quantitate , quæ
mihi necessaria est ; similiter equo , mihi ut ven-
datur oblato , possum aliquo tempore uti , pro
necessario opere antequam vendatur. Ergo &
istas recipit in dominium Ecclesiæ.

Nec valet dicere cum P. Pelando ; quod rebus
mendicatis ad hoc ut vendantur solum possu-
mus uti secundum suam speciem , & materiali-
ter ; non autem ut supplant vicem denariorum ,
seu receptis ad vendendum , & in denarios com-
mutan-

mutandum : quia sic sunt pecunia. Non vallet, inquam, quia ut superius ex Corduba ostendi, res illae dum mendicantur, recipiuntur &c. & quamdiu sunt in manu Fratrum, non sunt pecunia. Deinde ut idem Corduba c. 6. q. 2. dicit, Dominium omnium rerum, quarum usus Ordini nostro in sua materia aliquo modo licitus esse potest ad Papam & Ecclesiam Romanam pertinet ; quamvis sit illicitus ratione circumstantiae, scilicet ratione qualitatis, quantitatis, modi, finis, temporis &c. quam sententiam Politius in C. 6. vocat probabilem. Unde idem, Corduba cap. 6. q. 3. fol. 529. expressè elicit ex Nicol. 3. loc. cit. Quod si res sint modo pecuniariora acceptæ, id est eo animo ut vendantur, seu distrahantur, contractus venditionis, conventionio seu aestimatio pretij, & dominij translatio, fiat per Syndicum Papæ; & non per Fratres, vel alium à Fratribus interpositum. Ratio est, quia inquit cum res tali animo acceptæ, sit verè pecunia non potest nisi per Syndicum quando pertinet ad Papam; vel per amicum spiritualem, quando ejus dominium pertinet ad alium, distrahi aut alienari : Quamvis possit per Fratres ipsos recipi & transportari. Et in hoc omnes Doctores concordant & Statuta de his agentia, de quo non est dubium. Hæc Corduba. Videat nunc P. Pelanus, utrum recte P. Merchant ex Textu Nicol. 3. supra citato, colligat

Per-

personam idoneam ad vendendum granum &c.
mendicatum à Fratribus , ut vendatur esse Syndicos & Procuratores Papæ , supposito quòd sibi dominium non reservaverint donatores : si hoc licuit Cordubæ , tenenti taliter mendicata ut vendantur , esse pecuniā : Loquens porrò cītatus Corduba de rebus non pecuniario modo receptis, scilicet nō eo animo, ut vendantur ; sed principaliū animo utendi illis in usibus Fratrū, quæ postea factæ inutiles debent vendi : quærit utrūm necessariò contractus venditionis debeat fieri per Syndicum, quando res pertinent ad Papam, vel per Amicum spiritualē, quando pertinent ad aliū, an verò possit fieri per ipsos Fratres personaliter ? Et Respondet licet id Fratribus personaliter vendere , & contractum venditionis facere , & conventionem seu æstimationem pretij de licentia Prælatorum & Domini talis rei , secluso scandalo ; idq; multis probat.

Probatur tertio. Nicol. 3. volens patenter distingvere res , quæ legantur ut vendantur , à pecunia : pecuniam de rebus ipsis acceptam , à rebus distingvit , & legatum pecuniarium , à legato rei alicuius ad venditionem relicto : Ergo sicut legatum domūs , ut vendatur non est pecunia ; quia à pecunia distingvitur ; nec similiter granum , à Fratribus mendicatum ut vendatur , reputari debet pecunia formaliter.

Respondet P. Pelanus neg. Consequentiam.
Quia ibi Pontifex dum distingvit legatum pecuniarium , à legato domūs vel alterius rei ad vendendum relictæ , & pecuniam de rebus ipsis acceptam , ab ipsis rebus ; ibi sumit nomen pecuniæ pro denariis , non pro pecunia , quæ in Regula à denarijs distingvitur , ut clarissimè patet ex Textu ipsius.

Sed *Contra*. Pecunia quæ à denarijs in Regula Fratrum Minorum distingvitur ; non est aliud per P. Pelandum , quām res ad vendendum mendicata , vel recepta : Sed quando Pontifex dominum , vineam &c. ad vendendum legatam , distingvit à pecunia , & legatum pecuniarium , à legato rei alicujus ad vendendum relicto ; hoc ipso negat , rem ad vendendum receptam seu mendicatam , esse pecuniam , in Regula Fratrum Minorum ; ut patet. Ergo secundūm ipsum nō datur pecunia in Regula Fratrum Minorum , quæ distingvatur à denarijs. Non enim potest assignari quid illud sit secundūm P. Pelandum ; si non esset res ad vendendum mendicata seu recepta ; Ergo nomen Pecuniæ debet in Regula Fratrum Minorum sumi pro denarijs , sicut sumitur à prædicto Pontifice.

DIC S. Pecuniæ nomine in Regula Fratrum Minorum debere intelligi , rem ad vendendum acceptam , seu mendicatam Fratrum authoritate;

te; unde clarum est, quod sicut, si Fratres legatum domus, aut vineæ &c. acceptarent, ut propriâ authoritate eandem venderent, vel vendi ficerent; hoc esset recipere pecuniam contra Regulam; quæ adhuc distingveretur à legato pecuniario, id est denariorum: ita etiam granum mendicatum ut vendatur est verè pecunia, prout pecunia distinguitur à denariis.

Sed *Contra*. Ex hoc confirmatur nostra superius adducta instantia, quod scilicet, sicut licet possit legatum domus, vineæ &c. ut vendatur esse pecunia, si acceptetur ut Fratrum authoritate vendatur, non est tamen defacto, quia suppono non acceptatur ut taliter vendatur. Ergo similiter dato non concessso, quod granum mendicatum, ut vendatur authoritate Fratrum, esset vera pecunia; tamen et si mendicetur, acceptetur, ut vendatur modò non authoritate Fratrum, ut bene potest; (imò & debet semper, etiamsi non esset pecunia) non erit pecuniæ receptio contra Regulam. Nec potest quisquam sibi rationabiliter imaginari, quod quando P. Merchant afferit non esse pecuniam res mendicatas ut vendantur; intendit per hoc concedere Fratribus, ut id fiat authoritate ipsorum: quia secundum ipsum, si non contra hoc Præceptum de non recipienda pecunia; adhuc peccarent contra præceptum de appropriatione.

DIXI dato non concessi ; quia ut dixi supra Fratres mendicando res ut venderentur eorum auctoritate , potius necesse est ut peccent contra præceptum de appropriatione , quam contra hoc 4. de non recipienda pecunia .

Probatur quartò Conclusio Principalis. Nicol. 3. art. 9. agens de coñutatione mobilium, quæ expedit commutari ; vult talium rerum commutationem fieri auctoritate Ministrorum. Ergo tales res pecunia non sunt. Consequētia patet. Quia nullam auctoritatem in pecuniaria dispositione ex Regula Ministri possunt habere.

Respondet P. Pelanus ex Doctrina ipsius Patris Marchant , in suo tract. de institutione Syndicorum pag. mihi 752. Duplicem esse auctoritatem , unam juridicam , cuius non est capax Frater Minor , alteram solùm directivam , & consultivam ; Et de hac solùm loquitur Nicol. 3. consequenter inquit præmissa probatio nil valet ex doctrina ipsiusmet Marchant. Sed

Contra. Probatio hæc optimè valet ad hominem. Quod ostendo sic : si res mobiles , quas expedit commutari , essent pecunia respectu Fratrum , ex eo quod intendant illas in denarios convertere , aut loco denariorum eis in pretium rerum emendarum , vel emptarum uti (ut vult P. Pelanus) sequeretur , quod auctoritas etiam

con-

consultiva & directiva esset prohibita Fratribus per Regulam; in commutatione, distractione, &c. talium rerum. Sed hoc est absurdum, contra Declarationem Pontificis. Ergo &c. Sequelam Probo. Consulens, dirigens rem aliquam, intendit illam. Ergo Frater Minor consulens, dirigens commutationem, venditionem aliquarum rerum mobilium, quas expedit commutari, vendi &c. intendit illam commutationem, venditionem &c. Consequenter conversionem illarum rerum in denarios in pretium rerum emendarū, vel emptarū &c. Ergo res illæ commutandæ, vendendæ &c. erunt pecunia ex Regula prohibita respectu Fratris Minoris. Ergo authoritas etiam directiva & consultiva, erit prohibita Fratribus in commutatione, distractione &c. talium rerum.

Probatur quintò. Per hanc Regulæ prohibitonem, non tantum prohibetur nobis possessio & proprietas illius rei, quæ est pecunia; sed etiam usus: Atqui rei, quam accipio ut vendam, v.g. domūs &c. usus non est mihi prohibitus: Ergo non intelligitur nomine pecunia &c.

Respondet P. Pelandus, distingvendo Minorem. Rei quam accipio ut vendam, v.g. domūs, usus non est mihi prohibitus, secundum specie suam ut domus est, scilicet ad inhabitan-

D 3 dum

dum, Concedit. Usus non est mihi prohibitus, ut utar locò denariorum, vel ut recipiam domum ad vendendum, & in denarios convertendum, Negat: & similiter distingvit Conseq. Non est pecunia, si sumatur primo modo, Concedit: si sumatur secundo modo, negat, & exemplificat in denariis, quorum usus non est nobis prohibitus, ut sunt aurum, v.g. ad deaurandum calicem, sed tamen est prohibitus ut denarius formaliter, id est ad necessaria emenda &c.

Sed *Contra*. Domo licitum est uti Fratribus non solùm ad habitandum, sed etiam ad vendendum per idoneas personas, & in denarios convertendum, ut patet ex Declar. Pontif. præsertim Nicol. 3. qui permittit absque præjudicio Regulæ, legata domorum, agrorum &c. acceptare Fratribus ut vendantur per Personas idoneas, & pecunia de rebus ipsis accepta, in Fratrum necessitates convertatur. Ergo etiam sic sumpta domus, &c. non est pecunia.

Probatur sextò. Ex vi Regulæ possumus sàpè nonnulla facere ut vendantur, vel distrahantur. Ergo nomine pecuniae non intelliguntur: Antecedens Probatur. Licet Fratri inori, pictoriæ vel scriptoriæ artis perito, pingere imagines, scribere libros, eà intentione, ut imagines & libri per Personas ad hoc idoneas vendantur, & distra-

distrahantur, ut pretium laboris in necessaria Fratribus applicetur. Ergo imagines pictæ, & libri scripti eâ intentione, quod vendantur, vel distrahantur; pecunia dici non possunt. Antecipat. Quia licet Fratri scriptori, vel Pictori & intendere & recipere pretium laboris, modò pecuniam non recipiat. Ergo licet intendere ut vendantur, & necessaria illi subministrentur.

Respondet P. Pelanus primò. Neg. Antecedens. Nam Statuta Generalia Ordinis prohibent res venales facere, hoc enim repugnare videtur tam Religioso statui, quam Minoritica Paupertati. & ideo in Clem. Exivi. §. Licet vero, declaratur hoc repugnare Regule & Ordinis paupertati, & recipere pretium rerum, ad naturam & Formam prouentuum appropinquat. primò inquit Antecedens repugnare doctrinæ Patris Marchant, quia in cap Reg. 6. dub. 3. textu 4. docet non licere Fratribus procurare materias, v. g. corium, membranam &c. mediante pecuniâ, ut in illis operentur, & postea per Syndicum aut alios, estimato pretio vendantur; quia hic intervenit quoddam genus negotiationis; contra puritatem vitæ Fratum Minorum. Non possunt autem Fratres imagines, libros de nihilo facere. Dixi per se & ex naturâ emptionis, quia potest quis curare emi materiam, non nomine suo, nec in suam utilitatem, sed in ejus pro quo in re operatur. Secundò permisso Antecedenti Negat.

Consequentiam. Quia (inquit) non solum res artificiales, quae sunt a Fratribus ut vendantur, & in denarios convertantur, vel loco denariorum deserviant, sunt vere pecunia, sed etiam res qua sunt in uso Fratrum, licet non ad venditionem, sed ad usum recepta; si vendantur & in denarios convertantur, aut loco denariorum operariis vel mercatoribus dantur in pretium, vere sunt pecunia. Et ad hoc adducit prohibitionem B. Patris Capistrani in suis Constitutionibus c. 6 dicentis: Caveant in super Fratres, ne panem vel Vinum, vel alia mendicata, sive oblata pro uso Fratrum distrahabant aut vendant, vel vendifaciant, sive pro aliare permittent, vel pro satisfactione fienda cuiquam zradant; sed per alios licitos modos satisfieri procurant illis, quibus fuerit satisfactio rependenda. Itē ex Julio 2. in statutis cap. 4. ubi clare dicitur, quod talia facere, vel tali nomine recipere vel retinere sit pecuniam recipere & habere. Tertiò Ad res venales redeundo P. Pelanus, sic ratiocinatur: Fratres, alia re pollentes, ut Pictores, Scriptores &c. vellaborant in materia aliena, vel in materia ab ipsis procurata & recepta, ut per eorum artem alteratam vendant, vel vendifaciant? Si primo modo? tunc licet & ex Regula de mercede laboris corporis necessaria recipere possunt. Si secundo modo? tunc dicit talem materiam esse veram pecuniā contra Regulam, etiamsi illa materia esset recepta pro mercede sui

sui laboris , & multò magis pecunia esset , si recipere-
tur cum intentione vendendi vel distrahendi absq;
ulla alteratione . Et sic patet (ait) non valere Con-
sequentiam . Sed

Contra Statuta Generalia citata solùm pro-
hibent res venales facere , quando id repugnaret
Statui Religioso , & Minoriticæ paupertati (quod
sine dubio tunc esset , si venditio fieret per ipsos
Fratres im̄mediatè , aut ipsorum authoritate ; se-
cūs est , si fiat per Syndicū Apostolicū) quod
probatur quantum ad primum . Quia eadem
Statuta Generalia apud Sanctorum in c. 4. fol.
283. ad finem de Eleēmosynis sic dilponunt . De
Eleēmosynis nil vendi , nil emi , aut disponi sive Syn-
dico Apostolico possit Hoc enim Jus ostendit . Er-
go statuta supponunt quòd mediante Syndico
emi & vendi possint : præsertim si nullum in
his prætendatur jus . Clementina quoque ci-
tata non loquitur de rebus quæ recipiерentur ali-
quando , ut mediante venditione vel commu-
tatione eorum , provideretur necessitati Fratru ;
sed de hortis , vineis &c. quæ colerentur à Fratri-
bus , ut olera & alia hortalitia ex ipsis , pretio
distrahantur . Patet autem quòd licet hoc sec-
undum repugnet paupertati , & accedat ad na-
turam proventuum ; non tamen primum . Ad-
de quòd tam Statuta Generalia , quam Clement,
citata , prohibent res aliquas vendi vel distrahi ,

non titulo receptionis pecuniae, sed titulo pauperatis non violanda. Consequenter falsum est, quod re aliquam tenere, vel recipere ad vendendum, sit tenere vel recipere pecuniam: sed potius erit violatio pauperatis; si hoc fiat sine necessitate praesenti vel imminenti, vel auctoritate Fratrum.

Ad illud quod adducit ex doctrina Patris Merchant, patet clarè, ipsum, dum negat procurare tales res mediante emptione, loqui de emptione propriè sumpta, quæ fieret nomine Fratru. Quamvis autem non licet nomine proprio, & in utilitatem ipsorum met, potest tamen licere, non nomine suo, nec in utilitatem suam, sed in utilitatē ejus, pro quo in re laboratur: ut in ulteriori contextu P. Merchant affirmat. Similiter potest licere procurare illas, mediante mendicatione, vel recipiendo pro mercede laboris; & sic Fratres non ex nihilo facient libros &c. sed ex Materijs sic procuratis. Ergo falsum est, quod Antecedens repugnet doctrinæ Patris Merchant.

Quoad secundum. Dum permisso Antecedenti, negat. Conseq. Probo illam sic: Ex vi Regulæ non possumus retinere, recipere vel habere pecuniam, ipsaque uti: Ergo supposito, quod Antecedens sit verum (ut permittit Pelandus) scilicet nos posse ex vi Regulæ, saepius non-

nonnulla facere ut vendantur , distrahantur ; manifestè sequitur , hæc nomine pecuniaæ non intelligi in Regula.

Ad authoritatem ex B Joanne Capistrano , dico . Quod licet hic Beatus , prohibeat in suis Constitutionibus emptionem & venditionem , commutationem rerum mendicatarum , vel oblatarum pro usu Fratrum ; non tamen dicit quod sint pecunia . Ergo nihil sequitur ex hac autoritate contra nos . Alio itaque titulo prohibet iste Sanctus præfata : illo scilicet , quem Joann . de Fano discursu de pecunia facto , insinuat , dicens : Vendere est prohibitum Fratribus , quia denotat proprietatem , & quo prohibent similia fieri Statuta Generalia supra citata ; videlicet sinè Syndico Apostolico , & cum prætensione Juris ; vel potius loquitur de emptione , venditione &c. juridica solemini cum obligatione civili .

Ad authoritatem ex Julij secundi Statutis Dicō , juxta Decretum Urbani VIII . de Dat . Rom . ad S . Mariam Majorem 1 . Octobr . 1625 . Nos potius debere conformari Declarationibus Nicol . 3 . & Clem 5 . quam Julij secundi . Ergo cum sit conformius Declarationibus horum Pontificum , res , quæ procurantur , recipiuntur &c . ut vendantur , distrahantur &c . non esse pecuniam in Regula prohibitam , sic tenendum est , non obstan-

obstante prædictâ Julij 2. authoritate; quod au-
tem sit conformius patet ex dictis, & infra di-
cendis.

*Ad tertium tandem Dico satis patere ex dictis
falsum esse, quod res accepta eo animo ut vende-
tur sit pecunia in Regula Fratrum Minorum
prohibita. Sive igitur Fratres laborent in Ma-
teria aliena, sive in materia ab ipsis procurata
& recepta, ut per eorum artem alterata, vende-
tur per personas idoneas, & pretium in eorum
necessitatem convertatur, non debent dici reci-
pere pecuniam contra Regulam: Imò dato nō
concesso, quod ejusmodi res essent pecunia ve-
rè, non tamen ut recipiuntur à Fratribus, &
quamdiu sunt in manibus eorum, secundum
Cordub. ad quèm se remittit P. Pelandus, con-
sequenter Fratres recipiendo illas, non recipie-
rent pecuniam contra Regulam. Unde idem
Corduba cap. 5. q. 3. punct. 2. ad finem docet: posse
Fratres laborare in quacunque materia, dum-
modò ipsi Fratres non prætendant in ea aliquam
proprietatem, aut Jus; & proprietas talis ma-
teriæ acquisitæ per Fratres pertinet ad Papam,
sicut & alias res, quibus Fratres utuntur, quan-
do dantes non reservaverunt sibi dominium, ut
infra cap. 6. q. 2. habetur. & possunt vendere
talia per Syndicum, sicut & alias res pertinentes
ad dominium Papæ, & de earum pretio suis ne-
cessi-*

cessitatibus providere possunt , sicut de pretio aut pecunia data pro rebus venditis , pertinentibus ad Papam , & non aliter . Et infra puncto 3. §. Patet tertio . Postquam determinavit contra Regulam facere illos Fratres , qui faciunt sportas , horologia &c. ut pro ipsis accipi ant pecuniam , seu ut vendant ea . Addit : quod intellige nisi accipient & vendant ea , eo modo , quo pecunia potest acceptari , aut quo modo res aliae possunt per Syndicum vendi , ut dictum est in 2. punto præcedente , quia , si ut dictum est , fiat receptio aut venditio , certè licitum est ex vi Regulæ , scribere libros , & facere horologia , & alia mechanica .

DICO ex vi Regulae , quia aliunde potest esse illicitum , utpotè quia carius justò venduntur , aut quia cum scandalo , aut distractione , aut cum alia quavis circumstantia viciante , quæ omnia cavenda sunt ; bonum enim est ex integra causa . Et secundùm hoc limita , & intellige quod habetur in serena Conscientia q. 71. ubi secundùm Alvarum & Barthol. Pisanum , damnat absolutè Fratres recipientes pecuniam , pro mercede laboris , qui scribunt libros ad vendendum , quia debet intelligi , ut dictum est .

DICES. Ergo licebit Fratri Minori quascunque res facere , è intentione ut vendantur , vel distrahabantur &c. Resp. neg. Consequentiam .

Etsi

Etsi enim hujusmodi res, pecunia non sint; ex alio tamen capite talium rerum receptio, conquisitio illicita esse potest: sicut & venditio & commutatio. Hoc specialiter notarunt 4. Magistri cum Hugone in hoc cap. ubi postquam retulerunt opinionem eorum, qui dicunt nomine pecuniae, prohiberi receptionem rerum ad vendendum, commutandum, &c. Iste (inquiunt) capita Regule non distingvunt nec prohibitionis, constat enim quod in sequenti Capitulo omnis rei proprietas interdictatur, sed non usus. Qualiter vero hec receptione intentione vendendi & commutandi sit licita vel illicita dicitur in Expositione cap. 6.

In hoc loco P. Pelanus Obijcit P. Marchant, quod texcum 4. Magistrorum & Hugonis mutilatum adducat omittendo particulam valde notabilem, scilicet ad thesaurizandum, ratione eius (inquit) 4. Magistri & Hugo corrigunt illam opinionem dicentes, quod non distingvunt Capitula Regule. nam 4. Magistri quando referunt opinionem illoram, qui dicunt nomine pecuniae, prohiberi receptionem rerum ad vendendum, commutandum, vel thesaurizandum, postea addunt & ita capitula Regule non distingvunt, constat enim &c. Hoc prae notato.

Respondet. Quod si bene perpendatur textus 4. Magist. & Hugonis non videtur eos his verbis doce-

re.

re, quædea, quæ recipiuntur ad vendendum, vel
commutandum cum estimatione pretij non sint pecu-
nia; sed solum quod nomen pecunia in Regula non
sumatur ita ample & largè, ut includat etiam omnes
res, quæ recipiuntur ad thesaurizandum, ad do-
nandum liberaliter &c. nam hæc non prohibentur
in 4. cap. Regule, quia non supplent vicem denari-
orum, & consequenter non sunt pecunia, sed bene
prohibentur c. 6. ibi. Fratres nil sibi approprient;
quia in talium receptione est, vel potest esse prorie-
tas. Sed

Contra. Potius P. Pelanus mutilatum tex-
tum 4. Magistrorum adducit, omittit enim ipse
particulam, ex qua clare intelligi potest mens
4. Magistrorum: qui referendo opiniones eo-
rum, qui dicunt nomine pecuniae prohiberi re-
ceptionem rerum ad vendendum, commutan-
dum, & thesaurizandum (dicunt) quia in omnibus
istis rei possessio, vel proprietas declaratur, po-
stea addunt isti non distinguunt capitula Regule; u-
bi diligentur notanda est illa ratio & particula ly
quia in omnibus istis possessio & proprietas declara-
tur: æquè enim concludit, tam de rebus ad
thesaurizationem, quam ad venditionem, &
commutationem acceptis, quod sint vel non
sint pecunia; cum in omnibus æquè declaretur,
vel declarari possit possessio & proprietas: Ergo
non solum corrigunt illam opinionem, quod ad
res

res receptas ad thesaurizandum , sed etiam quod ad res receptas quoad vendendum & commutandum. Consequenter supponunt, quod receptio rerum non solùm ad thesaurizandum , sed etiam ad vendendum, commutandum non prohibetur in hoc cap. sed in 6.

Dices. Qui recipit rem ad vendendum ; intendit pecuniam ; quod enim venditur , pecunia venditur , ita loquitur serena Conscientia , Ergo &c. Resp neg. Antecedens , non est enim necessarium quod intendat pecuniam , quia potest intendere rem in sua specie. Resp secundò. Si intendat pecuniā , quamvis daremuseum qui accipit aliquid , ut inde pecuniā habeat , peccare contra prohibitionem , de non recipiendo pecuniam , intendo nimis , quod sibi illicitum est ; Hinc tamen malè inferretur , quod res illa ex cuius venditione intenduntur pecuniae , sit pecunia : sicut qui furatur ut fornicetur , verè peccat contra præceptum de non fornicando ; Hinc tamen non potest inferri quod illud furtum sit fornicatio vera quæ intenditur.

DIXI quamvis daremus &c. Quia inter Doctores Controversia est , utrum voluntas habendi pecuniam , in Fratre Minore , quam exequi intenderet comparando pecunias , licet aliqua intercedente mutatione id non exequatur , sit pec-

peccatum mortale? Aliis Affirmantibus, eò quòd voluntas pro facto reputetur, saltem apud Deum; Aliis negantibus; Quia præcepta humana non possunt versari circa actus voluntatis merè internos, vel præcipiendos, vel prohibendos; sed præceptum de non recipienda pecunia est humanum: Ergo non potest versari circa actum merè internum: Atqui actus hic in proposito est merè internus, non conjunctus cū reali receptione pecuniæ, ut suppono. Ergo.

Dices cum Ponzanello. Intentio in multis operatur quoad substantiam, ut habeant esse, vel non esse, ut de cognitione spirituali, quam non contrahi sive intentione illam contrahendi, docet Sanchez de Matrim. lib. 7. diff. 58. n. 7. & alij apud Barbosam axioma: 128. n. 5. Idem in conficiendis Sacramentis communiter docent omnes: Ergo etiam in proposito, intentio recipientis aliquam rem ad vendendum, seu ut per eam acquirantur denarii, seu pecunia numerata, facit eam esse pecuniam prohibitam in Regula, quæ res absque tali intentione non erat. Resp. Neg. Consequentiam, & exemplum est in contrarium: quamvis enim defectu intentionis, cognitione Spiritualis, & Sacra-menta non ponantur; falsum tamen est, quòd positâ solâ intentione, & non adhibitâ materiâ & formâ debitâ, ponantur. Item sicut, etiamsi

intentio formetur à non habente authoritatem, seu jurisdictionem, ut in confiendo Sacramento Eucharistiae &c. nihil operatur: Sic in proposito licet aliquis recipiat rem intentione vendendi eam, & per eam denarios acquirendi, si tamen res accepta in se non sit pecunia, eò quod careat quantitate estimationis publicæ in ratione pretij ad res emendas, quæ est ultima forma pecuniam constituens, (ut dicetur in probatione Concl. tertiae) non recipit pecuniam. Item, intentio Fratris Minoris non est intentio habentis jurisdictionem conficiendi pecuniam, ut dicetur ibidem; consequenter instantia nil valet.

CONCLUSIO II.

Quod datur loco nummorum pecunia dici non potest, v.g. do Latomo adificanti mihi domum granum in mercedem etiam estimato pretio; do operario cibum &c. pro suo labore; nec granum, nec cibus, pecunia dici possunt in Regula Fratrum Minorum. Probatur: Per Regulam nullo modo liceret pecuniam recipere: Ergo quod in pretium laboris datur, pecunia dici non potest. Consequentia probatur: Ex mente S. P. Francisci, licet Fratri Minoris granum recipere in mercedem laboris, sive pretium: Ergo granum, cibus &c. non sunt pecunia.

cunia. Consequentia probatur. Quia granum, cibus, &c dantur licet loco nummorum, & denariorum Fratribus, qui tamen pecuniam recipere non possunt.

Respondet P. Pelanus. Per haec probari solum, quod granum, vestis &c. data Fratribus pro labore non sint pecunia respectu Fratrum, quod omnes concedunt, non tamen quod granum, &c. quae aestimato pretio dantur operariis a Fratribus Minoribus loco denariorum, non sine pecunia. Sed

Contra. Non est major ratio cur merces habeat rationem pecuniae, cum datur, quam cum accipitur: Ergo si granum acceptum pro mercede a Fratribus non habet rationem pecuniae, nec quando datur, habebit.

Dices fortè cum P. Pelando. Quando haec accipiuntur a Fratribus pro laboris pretio, non aestimantur a Fratribus, nec appretiantur loco denariorum, sic licet aestimarentur a dantibus; consequenter licet respectu danti sit pecunia, non tamen respectu Fratrum.

Contra. Quamvis per hujusmodi aestimationem factam a Fratribus respectivè ad denarios, quos promeretur operarius, statuatur granum &c. in ratione justæ mercedis pecuniarie, sicut nec per aestimationem dantis Fratribus pro labore:

bore, ut dixi supra, non potest res aliqua haberis pro pecunia, quae non sit moneta, nisi statuto publico, vel consuetudine æquivalente ejus usus sit tanquam pretij in emptionibus: Ita non obstante illa æstimatione, granum, oleum, &c. data à Fratribus locò mercedis operariis nō sunt pecunia.

Confirmatur. Possunt Fratres alteri dare pro mercede laboris, quod ipsimet pro pretio laboris possunt recipere: sed possunt pro mercede laboris granū accipere: ergo etiā alteri dare. Hinc Corduba supra citatus in 6. cap. Reg. q. 3. docet licitum esse per Regulam, quod Fratres faciant conventionē seu æstimationēm pretij, deducens id ex Nicol. III. Si

Dicas. Per rem, quae datur pro alia, fit eadem actio, quae per pecuniam, scilicet emptio: præfertim si in re, quae datur, habeatur ratio æqualitatis cū pecunia illa, v. g. is qui emit librum à Bibliopola uno Imperiali, cuius locò dat Bibliopolæ tantū frumenti, quantum sufficit ad Imperiale, is efficit frumento, quod pecunia efficeret: Ergo frumentum est pecunia. Resp. Neg. Consequentiam, quia ex effectibus similibus male concluditur causas esse ejusdem rationis, non enim licet inferre: Ignis calcit, & similiter Sol: Ergo Ignis est Sol, vel, Sol ignis: ita in proposito, Qualiter verò li-

ceat Fratribus, vel non liceat emere, alibi explicatur.

CONCLUSIO III.

Pecunia propriè nil aliud est, quam id quo solent homines uti, cum opportunum est, ad pretium rerum emendarum. Ita quatuor Magistri, Hugo de Dina. Si quis præcisè eorum textum consideret. *Dixi id quo solent uti homines*, nimirum publicâ autoritate, vel communi consensu, ut includatur omne instrumentum sive medium, quo omnes nationes utuntur denarijs, vel monetâ, sed aliis rebus; sic enim legitur de nonnullis, quòd utebantur officulis. *Dixi, Ad pretium rerum emendarum*; pecunia enim propriè est medium contractūs emptio est.

Respondet P. Pelanus Negans 4. Magist. & Hugon. intilligere per pecuniam in Regula Fratrum Minorum, id, quo utuntur homines publicâ autoritate, & communi consensu, ad pretium rerum emendarum: quia hoc modo denarius & pecunia pro ejsdem acciperentur, & essent ferè Synonima, ut ait P. Marchant; & consequenter 4. Magistri & Hugo essent sibi contrarij, quia docent & supponunt tanquam certum, quòd pecunia dicitur aliud à denariis.

Sed quòd 4. Magist. hoc intelligent per pecuniam , in Regula Fratrum Minorum.

Probatur primò. Quia Bartholomæus Pisanus adducens sententiam 4. Magistrorum hac de re dicit : *Juxta Constitutiones antiquas & 4. Magistrorum Sententiam*, per denarios intelligitur pecunia numerata : pecunia vero dicitur omnis res , quā solent uti homines , cùm opportunum est ad pretium rerum emendarum , ut aurum & argentū , & quidquid tale sit , quo pro denario ad pretium rerum emendarum homines utuntur. Item Serena Conscientia sic habet : *Respondent 4. Magistri ; denarij sunt pecunia numerata , pecunia autem dicitur omnis res , quā solent uti homines , cum opportunum fuerit ad pretium rerum emendarum.* Sed particula solent publicam indicat autoritatem , aut consuetudinem , nam soleo idem est apud Calepinum ac consuevi , pro more habeo : Ergo 4. Magistri & Hugo per pecuniam intelligunt id , quo solent homines uti , publicā autoritate , vel communi consensu ad pretium rerum emendarum.

Confirmatur. Petrus Joannis apud Serenam Conscientiā 4. Magistrorum exemplo declarans de quali usu loquantur 4. Magistri exemplificat dicens : *Sicut ante usum nummorum utebantur homines auro & argento : Sed usus ille auri & argenti ante usum nummorum , procul dubio e-*
erat

rat publicâ authoritate , seu communi consensu institutus : unde passim in Scriptura legimus , quod in emptionibus & venditionibus ad pretium rerum emendarum aurum & argentum taxabatur , seu aestimabatur statera , siclo , obolo &c. olim enim pecunia non erat signata , sed ad certum pondus appendebatur v. g. in pretium rei dahant tot vel tot drachmas , uncias , libras , talenta auri vel argenti , inquit Cornelius à Lapide in Zach. cap. 18. v. 11. & Lorinus in libri Num. cap. 11. v. 5. dicit : Veteres tum Romani , tum Hebrai utebantur massâ rudi auri & argenti , vel aris , in certo pondere , loco pretij seu pecuniae : Unde Jerem. 32. dicitur , emi agrum &c. & appendi ei argentum septem Stateras . & decem argenteos . & verlu 11. Appende argentum in statera . Quod verò id fieret publicâ authoritate , testatur super hunc locum Cornel: à Lapide dicens : Omnis enim pecunia & signata jam ; & olim non signata , justum & definitum à Principe debet habere pondus . Hinc observat Andreas Piritus Ramirez ex Plinio lib. 33. cap. 3. Quod ex eo , quia prius appenderent ad Bilances , dippondios , & librales suos ; postea numeratam pecuniam solventes , pendere dicebantur : Ergo per pecuniam secundum 4. Magistros intelligitur , id quo solent uti homines , publicâ authoritate , cum opportuno est ad pretium rerum emendarum .

Probatur secundò. De ratione pecuniae est , ut sit illud, quod publicâ authoritate & communi senti accipitur ad pretium rerum emendarum : Ergo de taliter recepto ad pretium rerū emendarum debent intelligi 4. Magistri. Antecedens probatur ; Ultima forma constituens pecuniam in ratione pecuniae est quantitas aestimationis publicâ lege impositæ , ut bene notat Layman tom. 1. lib. 3. fol. 143. ex Paulo J. C. in leg. ff. de contrahen. empt. dicens : Pecunia seu nummus publicâ authoritate cusus , vim usumque in commutationibus non solum habet ex substantia materia , sed magis etiam ex quantitate estimationis lege publicâ impositæ : si enim substantiam aurii vel argenti spectes abolutè nondum habet rationem pretij , sed potius mercis : quare ut pretij rationem consequatur , ad res alias estimandas , emendasque publicæ estimationis quantitate indiget : hæc igitur est ultima forma constituens pecuniam. Hæc Layman. Idemq; repetit num. 7. dicens quod pecunia usus & commoditas publica esse debet : Ergo per pecuniam id intelligi debet, quo utuntur homines publicâ authoritate , & communis consensu ad pretium rerum emendarum.

Confirmatur. Pecunia numerata ideo lege publicâ constituta fuit , quia debebat esse rerum omnium, quibus indigemus certa aestimatio , ut docet Layman lib. 3. tract. 3. p. 1. cap. 5. Ubi no-

tan-

tandū ex Arist. lib. 5. Ethcior. cap. 5. & P. J. C. in l. 1.
ff. de contrahen. empt. quod nummus hominum
impositione ac lege propter necessitatem intro-
ductus fuit, ut esset ferum omnium, quibus in-
digemus certa aestimatio, & num. 4. ait: adju-
stiam cusa monetæ, seu pecunia inter alia requiri le-
gitimam cudendi autoritatem, quam etiam signum
impressum indicat. nam monetam cudere ex Re-
galibus unum est, ut constat ex lib. 2. Feud. cap.
56. que sint Regalia. Et lib. 2. defalca moneta; ubi
mortis supplicium decernitur ijs, qui mone-
tam privatâ fusione formârint, tanquam læsæ
Majestatis criminis obnoxiiis: Sed etiam pecu-
nia, ut distincta à denariis deberet esse commu-
tationis rerum mensura, seu pretium, per quod
aliquid aliud habeatur, ut concedunt etiam ad-
versarij: Ergo debebit ad hoc institui publicâ
authoritate, vel communi consensu: ut proin-
de mirum sit, quomodo Fratres Minores suâ in-
tentione, vel attentione, seu aestimatione priva-
tâ pecuniâ facere possint.

Neg. per hoc, quod per pecuniam hoc intelli-
gant 4. Magistri & Hugo, quo homines solent
uti publicâ authoritate, vel communi consensu
ad pretium rerum emendarum; possint dici esse
sibi contrarij, ut insert P. Pelanus: quia stan-
te hoc quod pecunia sit id, quo utuntur homi-
nes publicâ authoritate, & communi consensu

ad pretium rerum emendarum , adhuc pecunia erit aliud à denariis ut dicit Hugo , à P. Pelando citatus . Attende in hoc Capitulo 4 . (inquit Hugo) quid dicatur pecunia , cùm pecunia dicat aliud quam Denarius ; Omnis enim Denarius est pecunia , sed non omnis pecunia denarius est . Neque P. Marchant absolutè dicit . Denarium & pecuniam esse idem , sed ferè idem , ut patebit ex mox dicendis infra , ubi omnino conformiter ad dicta Hugonis etiam ipse discurrit .

CONCLUSIO I V.

Denarius & pecunia in Regula Fratrum Minorum sunt ferè Synonima , & pro eisdem accipiuntur . Probatur primò : Quia hæc est communis usurpatio in modo loquendi , juxta quam vult suam Regulam intelligi S. P. Franciscus .

Respondet P. Pelanus Neg . fuisse intentiōnem S. Patris , quòd verba Regulæ suæ accipiuntur prout secundū communem loquentiū sermonem usurpantur . Sed hoc salsum esse ex diētis supra in probatione primæ Responsionis patet .

Probatur secundò . Illa particula vel indicat , quòd denarius & pecunia sumantur pro eisdē : Ergo debet dici , quòd sic sumantur .

Ref.

Respondebat P. Pelanus Neg. quòd per illam particulam disjunctivam vel hoc indicetur, sed potius oppositum indicatur; Sed & hoc satis clarè superiùs deductum est.

Probatur tertio idem. Nicol. III. & Clem. V. ista simul confundunt, & pro ijsdem sumunt: imò solo nomine pecuniæ utuntur pro denariis, ut patet legenti Declarationes; Sed hoc nec fecissent, si tanta distinctio ibi esset, cùm traditæ ab aliis distinctiones sint fundamenta infinitorum scrupulorum, imò gravissimorum dubiorum, ad quæ elucidanda suas Declarationes ediderunt supradicti Pontifices: Ergo Denarij & pecunia in Regula Fratrum Minorum sunt ferè Synonima.

Ad hoc Respondebat P. Pelanus dupliciter. Primo, Pontifices prædictos uti solo nomine pecuniæ, in Regula autem non ponitur solum pecuniæ nomen, sed ne denarios vel pecuniam recipient: unde in Declarationibus prædictorum Pontificum, sumitur pro denarijs, non sic in Regula. Secundo Respondebat: *Quod si supradicti Pontifices suas dederunt Declarationes, ad dilucidandum gravissima dubia, quæ ex aliorum distinctionibus oriuntur, verisimile videtur, quod ipsi supponant, Regulam esse intelligendam secundum distinctiones aliorum, non secundum opinionem dicentium denarios & pecuniam esse Synonima; vel ferè*

ferè Synonima : quia secundum opinionem istam,
eorum Declarationes non fuissent necessariae. Sed

Quantum ad primum responsoris punctum, hoc sufficienter manet ex dictis ad primam probationem refutatum, & inutilitas distinctionis hujus de pecuniæ nomine sumpto solitariè, & combinando illud cum denarijs, est clarè deducata. Quantum ad secundum, contra arguo sic: Pontifices prædicti utique in suis Declarationibus sumunt pecuniam pro denariis; ut pro confirmanda Sententia P. Marchant notat Sanctorus in cap. 4. Regulæ. Nam Clemens V. in Clementina Exivi &c. §. Porro &c. ait. Quocirca quaestus omnis pecuniæ, ac oblationū pecuniarū receptio, in Ecclesia, vel alibi cippi, sive trunci ordinati ad offerentium, seu donantiū pecunias reponendas &c. sunt interdicta. Idemq; saepius repetit in hoc §. & certè panni, blada &c. non reponuntur in cippis, sed Denarij. Item Nicol. III. in cap. Exiit §. Cæterum. declarando modos recurrenti ad amicos spirituales, solùm pecuniam nominat, nullà factâ denariorum mentione, idque saepius, & fatetur ipsem P. Pelandus: quia inquit, sumunt nomen pecuniæ solitariè: Ergo in suis Declarationibus resolvunt dubia secundum hanc acceptiōem: Ergo falsum est, quod derunt Declarationes suas ad dilucidandum gravissima dubia, quæ ex distinctione à denariis ori-

isoriuntur, ut supponit P. Pelanus: imò cùm
nè levissimam quidem distinctionis insinuent
notam, signum est, quòd pecunia & denarii se-
cundùm mentem Pontificum prædictorum sint
ferè Synonima in Regula Fratrum Minorum.

Nec est verum, quòd dicit ulteriùs P. Pelanus
secundùm opinionem tenentium Denarios &
pecuniam esse Synonima, non fuisse necessarias
Declarationes: Quia etiamsi non esset in Re-
gula quidquam de pecunia, ut distincta à dena-
rijs, de receptione ipsorum denariorum mul-
ta declaranda remánerent. Imò si dictum hoc
P. Pelandi esset verum; quandoquidem ipse in
hac solutione fatetur Pontifices, Nicolaum III.
& Clem. V. sumere ubiq; in suis Declarationi-
bus pecuniā pro denarijs; sequeretur illas pro-
pterea non esse necessarias quoad hoc, sed hoc
est absurdum & Pontificiæ dignitati injiosum,
quorum uterque protestatur se præfatas Declara-
tiones suscepisse ad sedanda plenè omnia Re-
gulæ dubia, & expediendas à scrupulis Fratrum
conscientias, præsertim Nicol. III. in Prolog. §. 5.
dicit se velle, *Quæ erant in Regula dubia, declara-*
re, alia declarata pleniore claritate differere, in ali-
quisbus Regulam ipsam concernentibus puritati eo-
rūm conscientiæ providere. Et infra, Tam ea, quæ
per Prædecessores nostros approbata & declarata esse
nescuntur, quam etiam Regulam, & eam contin-
gentia

gentia maturitate plenâ discussimus &c. Et præfertim de præcepto hoc capitis 4. ne Fratres recipiant pecuniâ, vel denarios ullo modo, ait: *Articulum istum propter detrahentium morsus profundius, quâm nostri Prædecessores fecerint, assumentes, & ipsum clarioribus determinationibus prosequentes &c.* Clemens etiam V. testatur, non solûm dubijs quæ occurrunt, sed etiam quæ possunt occurrere in futurum opportunè adhibuisse remedia, ac in eis expediendis se omne studium ac diligentiam adhibuisse, illâque examinari voluisse per plures Archi-Episcopos, Episcopos in Theologia Magistros, & alios Literatos providos & discretos: Ergo non est verum, quod dicit P. Pelanus, secundùm opinionem tenentium denarios & pecuniam esse ferè Synonima, non suisse necessarias Declarationes.

DIXIT P. Marchant, Ferè Synonima, quia pecunia videtur nomen aliquantulum universalius, quâm denarius, ob nationes barbaras, si quæ periuntur, quæ monétâ & denarijs strictè acceptis non utuntur, ut de nonnullis legitur, qui osculis utebantur.

Respondet P. Pelanus: Quòd in hac sua Declaratione P. Recollectus putat, denarium esse monetam de metallis tantum confectam: Sed Corduba docet (allegando communiter omnes Expositores) denarium esse monetam ex quocunq; metallo, seu materia

teria confectam ; Et per consequens ossicula illa , & alia instrumenta , quibus Nationes Barbaræ pro denariis utuntur , sunt verè denarij : & sic denarius & pecunia , etiam apud illas Nationes effent omnino Synonima .

Sed quidquid sit de mente Cordubæ , quod per denarios debeat intelligi propriè & strictè moneta solùm de quibusdā metallorū speciebus facta , seu particulæ quorundam metallorum signatae , patet ; quia ut inquit Budæus de Asse apud Cornelium in cap . 10 . Matt . Omnis pecunia , primùm fuit Ænea , deinde Argentea , demum Aurea . Et quod loquatur hic de denariis non potest negare P. Pelanus : quia ly pecunia quando ponitur solitariè (ut in hic) sumitur secundum ipsum pro denariis : Ergo ossicula illa , & quælibet alia illa instrumenta , quibus utuntur aliæ Nationes pro denariis , ut limacum conchæ , quibus in Regno Congo utuntur , non sunt propriè & strictè denarii : sicut nec aurum , & argentum , quo secundum Petrum Joannis utebantur homines ante usum nummorum , consequenter nec sunt propriè Synonima , sed ferè Synonima , ut loquitur P. Marchant .

Nec inverisimile censi debet B. P. Franciscū posuisse in hoc Regulæ Præcepto , nomen denariorum , propter nationes , quæ utuntur monetā de metallis factā : nomen vero pecuniae , propter

pter nationes, quæ utuntur officulis, vel aliis instrumentis loco denariorum : quia S. Pater noverat optimè ex divina revelatione, etiam inter illas nationes Fratres suos, & ordinem propagandum ; non obstante quod Pater Pelanus nullum viderit hoc Præceptum sic expli- cantem.

Dices cum Sanctoro. Clemens V. §. Proinde &c. recenset inter transgressiones præcepti de pecunia, *Quod equos, arma, eis oblata in funeralibus indistinctè accipiunt :* Ergo hæc mobilia sunt pecunia. Item §. Circa equorum &c. ait : *Circa equorum autem & armorum oblationes illud decernimus observandum, quod in pecuniarijs per Declarationem predictam noscitur eleemosynis definitum.* Nicol. III. etiam §. Si vero docet Fratres non posse ad res legatas recurrere, ut vendantur, &c. nisico modo, quo ad pecuniarias eleemosynas : Ergo ista sunt pecunia.

Respondetur quantum ad primam partem Anteced. neg. eam, quod scilicet Clemens V. receptionem equorum, armorum &c. numeret inter transgressiones præcepti de pecunia: Sed potius enumerat, ut legenti patet, inter transgressiones contra paupertatem & appropriationem, aitem : proinde cum Vir Sanctus paupertatis promissa in Regula modum exprimens dixerit in eadē Fratres nil sibi approprient. Et infra ad nostrum dada-

deducta examen, quæ in Ordine fieri dicebantur & videbantur prædicto voto, paupertati scilicet & puritati Ordinis repugnare &c. Et tandem enumerando illa, ponit receptionem equorum, armorum &c. in sepulturis. Hæc Nicol.

Quantum ad secundam partem illam : scilicet circa equorum, armorum &c. oblationes, illud decernimus faciendum, quod in pecuniarijs eleemosynis noscitur definitum per Declarationem prædictam. Resp. neg. Conseque-
Etsi enim ad utrumque tam ad oblationes nimirum prædictas, quam ad eleemosynarias pecunias sit idem modus recursus ; non idcirco illæ oblationes pecunia censeri possunt ; quia per illas ordinationes suas, voluit solum Pontifex, ut oblationes equorum, armorum &c. non recipiantur indistinctè, sicut fieri dicebatur ; cui abusu obviare volens Pontifex loco citato dicit : circa equorum, armorum &c. oblationes illud decernimus in omnibus &c. & per omnia obser-
vandum, quod per Declarationem prædictam in pecuniarijs noscitur eleemosynis definitum ; Id est ut oblationes prædictæ sinè vera necessitate, praesenti vel imminentि, & conditionibus in recursu ad pecuniam requisitis non recipiantur : cuius ratio est, non quia sunt pecunia, sed quia immediatè usibus Fratrum non cedunt ; & nisi ad necessitates veras reducantur,

superfluitatē, pretiositatē, & thesaurizationem sapiunt. Aliud itaque est illa esse pecunia; aliud non fieri recursum ad illa, nisi eo modo, quo ad pecuniam.

CORROLLARIUM.

DEnique P. Marchant agens de Commutatione rerum, quae sunt in usu Fratrū, in fine ponit hoc Corrollarium contrā multorum scrupulos. Licet Superiori commutare filum, lanam, &c. extra Ordinem pro tela vel panno; filiginem pro frumento, granum pro butyro &c. etiam estimato pretio, de licentia Generalis, vel Provincialis (si non obstat expressa prohibitio donantis) idq[ue] probat: quia hic (inquit) intervenit nudum ministerium sine aliquo jure.

Respondet P. Pelanus neg. Consequentiam primum: quia res, quae commutantur cum estimatione pretij in Regula Fratrum Minorum, est verè pecunia; ut patet ex supra dictis. Secundo: Quia commutatio, quae fit cum estimatione pretij, est vera venditio & emptio secundūm 4. Magist. Hugonem, Cordubam; Politum & alios; Venditio autem & emptio fit mediante pecuniâ, cuius usus Fratribus Minoribus est planè interdictus; quod quidem fatetur etiam ipse Pater Recollectus Concl. 4. ejusdem Quest. Sed

Con-

Contra: Rationes istae, ob quas negat Consequentia nihil omnino valent: Non prima; quia oppositum potius ex dictis constat; neque secunda, quia cum 4. Magist Hugo, & alij dicunt commutationem, quae sit cum aestimatione pretij, esse emptionem; intelligunt de aestimatione publica & civili, quam esse de ratione pecuniae probatum est supra, ita quod tunc sit emptio, quando res taxata seu aestimata lege publica, loco numerata pecuniae datur pro alia re, ut patet consideranti textum 4. Magist: & Hugonis.

Quantum ad Cordubam DICO: quod Corduba potius hac in parte favet P. Marchantio, nam c. 6. quest. 3. postquam determinavit venditionem & conventionem, seu aestimationem pretii, & rei vendendae, ejusq; dominii translationem ibi intervenientem debere fieri per Syndicu[m] Papae, proponit dubium; utrum similiter necessariò debeat talis contractus, aut conventio, seu aestimatio pretii interveniens fieri per Syndicu[m], quando res vendenda pertinet ad alium? an etiam possit fieri per ipsos met Fratres personaliter; quando talis res non sicut modo pecuniario accepta; id est eo animo, ut venderetur aut distraheretur, sed principalius sicut accepta animo utendi illa in suis usibus, & post ea si contingat illam fieri inutilem, aut ea aliquid superfluere, aut jam non esse necessaria-

riam, ita quod expedit eam vendere, habebunt
animum minus principaliter eam vendendi?
Et respondet Corduba ibidem sic: Quod Specu-
lum Fratrum Minorum, & cum eo communiter Do-
ctores omnes ferè de hoc loquentes dicunt, nullo mo-
do licere Fratribus personaliter talem rem vendere
modo predicto, scilicet faciendo contractum & conven-
tionem, & pretij estimationem; neque tradere talem
rem in potestatem euentis: Sed quod Syndicus no-
mine Papa, aut amicus Spiritualis nomine alterius
domini tali rei, potest & debet hoc facere, & non
alius. Sed certè (inquit idem) ego non video ra-
tionem sufficientem ad dogmatizandum tam strictè,
nequeulla authoritas ad id cogit. Ideo salvo melio-
ri iudicio: dico, quod in casu dubijs prefati, rem non
pecuniario modo acceptam, bene licet Fratribus ipsi
personaliter vendere de licentia Prælatorum & do-
mini talis rei, & contractum venditionis facere, &
conventionem, seu estimationem pretij, dummodo ca-
veatur scandalū, aut alia occasio peccati, & omnis a-
lia prava circumstantia alias vitians, seu insuffi-
cientia actum. Ratio est; quia nullus Pontifex seu De-
claratio id prohibet, ut patet: quia Nicol. III. uti
supra de hoc agens, hoc certè non prohibet; quia so-
lum dicit, quod pretium rei venditæ, accipiatur per
Syndicum, & de contractu venditionis nil prohibet
nobis: imo generaliter loquens, sine exceptione con-
cedere videtur, quod de licentia Prælatorum potest
fieri

fieri, personaliter per Fratres autem quando pretii a-
stimator intervenit, neque alius Papa innuitur id
prohibuisse. Neque per Regulam est illicitum ratio-
ne voti paupertatis. Probatur: quia in predicta
venditione sunt multi actus, quorum unus est asti-
matio pretij, & hic certè non prohibetur nobis, sicut
in re alterius agere de valore rei; quid enim detra-
hitur paupertati propter hoc, quod ego de hac vel illa
re (cujuscunque sit) dicam: quod valet tantum, vel
tantum? Item alius actus est traditio, vel transla-
tio rei in potestatem ementis, & acceptatio pretij talis
vel talis; que dno faciunt conventionem & con-
tratum perfectum: certè de licentia domini talis
rei, ut servus Domini nil habens Juris in re, non vi-
detur, quare non possit id licetè facere auctoritate
Domini Pape, aut alterius Domini talis rei; quia &
Nicol. III. supra expresse videtur huic suffraga-
ri; Neque hic intervenit pecunia acceptio, ex quo
ut suppono pretium pecuniarium debet per Syndic-
um, aut per amicum spiritualem accipi, & non per
Fratres ut supra dictum est: Ergo de se non est con-
tra Regulam, quod talis venditio fiat per Fratres
ipsos.

DICO notanter de se, & dummodo caveatur scan-
dalum: quia quatenus est de rigore Regula, & De-
clarationum, quoad hoc non videtur illicitum ven-
dere simpliciter modo predicto sine strepitu, & sole-
nitate judiciali, seu juridica, & civili obligatione,

¶c. Secus autem, si aliunde proveniat Scandalum, aut prava circumstantia; tunc enim venditio de se licita, fieret illicita ratione talis circumstantiae, sicut ¶ quodlibet opus bonum potest sic infici. Ideo si in tali venditione interveniat aliqua obligatio civilis, aut si iuridicè fieret, vel in judicio, aut si etiam ex hoc agendum in judicio, jam tunc non liceret personaliter Fratribus sic vendere rem quamcumq[ue], sed per Syndicum nomine Papæ, secundum Privilegium Mart. IV. & Nicol. III. quia hæc omnia sic prohibita sunt fieri alias ex Regula, aut per Papam, aut ratione scandali, & hujusmodi (ut insuis locis de singularis agendum est in 6. hoc capite) Et quidem quamvis sit purius & honestius, quod id fiat per Syndicum, non tamen videtur dogmatizandum, quod id sit necessarium, maximè cum oppositum communiter praticetur, possitque Frater Minor peccare contra conscientiā praedicto modo vendendo perse, si ei dicatur esse illicitum, in quo tamen non peccaret, si ei veritas diceretur; Non enim sunt Fratribus plures laquei objiciendi, quam ex sua Professione tenentur; utinam vel sufficienter ea serventur, ad quæ ex Regula & Professione tenentur, & non augeantur, negantur vota nostra. Hucusque Cor-duba.

Idem Author cap. 6. q. 4. agens de commuta-tione punto primò dicit: Fratribus Minoribus non licet authoritate suâ rem aliquam pro alia com-muta-

mutare, distrahere, seu alienare, sed solum auctoritate Domini talis rei, & eo modo, quo ipse vult, & nomine suo, ad quod sufficit auctoritas, seu voluntas ejus probabiliter presumpta, quando non potest commodè haberri expressa: quia, ex quo Fratres nullum jus, aut dominium in tali re habent, non possunt de ea disponere, nisi ut dictum est. Deinde punito secundo dicit: Quod ad licetè commutandures pertinentes ad Papam, quibusjam utitur Ordo, tres requirantur conditiones. 1. quod fiat de licentia Ministri Provincialis & Custodis. 2. quod sint res mobiles. 3. quod si mediante pretij estimatione commutantur, aut distrahantur pro alijs rebus, tunc non nisi per Syndicum fieri potest secundum Doctorum communiter; & habetur in Seren. Conscient. q. 81. & in Speculo. Sed, ut mihi videtur, hoc non est necessarium propter rationes tactas supra, ibi videatur, & ad propositum applicetur: Ergo quamvis intercedat estimatio pretij, & esset etiam venditio, adhuc potest fieri per Fratres sine Syndico.

Ex quibus omnibus quilibet colligere potest, quod quandoquidem Sententia Patris Marchant sit conformior Declarationibus Nicol. III. & Clem V. ut ex dictis luculenter patet, quam opposita; & ex concessis ipsiusmet Patris Pelandi standū est potius Declarationi Pontificiae, quam cæteris Doctorum Declarationibus; Papalis enim declaratio omnes obligat ad ejus obser-

vantiam in utroque foro , cui absque ulla contradictione subjacere tenemur ; meritò hæc Sententia oppositæ præferri debet.


Nec instantia Patris Ponzanelli de sequenda communi opinione aliquid valet ; Cui opponitur Majestas Conditoris legum Justiniani , qui *l. i. ff. de veter. vir. encl. §. 6.* Triboniano , alijsque ab eo deligidis viris disertissimis , togatis fori , demandans Provinciam , colligendi responsa antiquorum prudentum , & ex eis elimationis , conficiendi *50.* Libros digestorum ; hoc sanè quām sapiens monitum , inter reliqua dedit : *Sed neg₃ ex multitudine Authorum, quod melius aut equius est, judecate, cūm posset unius forsan & deterioris Sententia, & multos & majores in aliqua parte superare.* Censuit igitur Imperator præsumptionem de veritate opinionis communis non esse tanti faciendam , quin liceat ab ea secessionem facere , quando unius Sententia , ratione (quæ ipsius etiam legis anima est : *cap. Coniectudo dist. 19.*) meliore ac subtiliore illam superat ; sicut traditur *cap. Capellanus. de for. quamobrem Macagnanus tract. de communi opinione c. 8. n. 1.* post Felinum , & Alios tam Theologicā , quām Canonicā legalique scientiā excellentes asserunt : singularem opinionem esse anteponendam communi , quando nititur meliore & subtiliore ratione , conformiter ad al- lego-

legoriam Senec: lib. de vita dicentis: *Triplissima quæque via, & celeberrima maximè decipit; nihil ergo magis est præstolandum, quam ne pecorum ritu sequamur antecedentium gregem, pergentes non quæ eundum est, sed quæ itur.* Fateor tamen cum Prateo I. C. Regularium Juris lib. 3. tit. 7. c. 2. esse temerarium à communi opinione deflectere ad singularem sinè ratione; hoc enim, nec plus probant rationes Patris Ponzanelli adductæ in contrarium.



F5

PARS



PARS SECUNDA.

Nqua P. Pelanus impugnat retractationem P. Merchantij , quâ retractat Doctrinam & Sententiam primò à se defensam ; quòd scilicet Institutio Syndicorum secundum Martinianā sit contraria Regulæ , & Declarationibus Nicol. III. & Clem. V. ostendit que per oppositum Provisionem Martini V. de receptione & administratione pecuniarū per Syndicos , tanquam per Procuratores Romanæ Ecclesiæ , non esse contra Regulam ac Declarationes Nicol. III. & Clem. V. & nihil conferre Fratribus , quòd Regulæ rigorem relaxer : sed tantum benignitate Apostolicā , nonnulla media provisa esse , quibus puritati & quieti Fratrum , & intimæ Regulari Observantiae provideretur : Quod quidem declarat per sequentem Conclusionem .

AR-

ARTICULUS I.

CONCLUSIO.

Provisio illa Martini V. quâ Syndici designantur, ut pecunias omnes, eleemosynas in utilitatem Fratrum oblatas, datas, vel relictas, recipient, & in necessitates Fratrum expendant, in nullo contrariatur Regula, aut Declarationibus Pontificum, Nicol. III. & Clem. V.

Probatur. Si Provisio illa Martini V. contrariatur Regulæ, aut Declarationibus, id fit, aut respectu Pontificis Personæ, pecuniarum dominium in se assumentis; aut respectu Syndicorum pecuniam recipientium, & administrantium; aut respectu Fratrum, & modi recursus; sed nihil horum dici potest: Ergo absolutè non contrariatur illis. Minorem Probat quoad omnia tria membra diversis rationibus; quam negat Pater Pelanus, & Rationes solvere nititur.

MEMBRUM I.

QVia in hoc Martinus V. nil aliud facit, quam Nicol. III. qui pretium, sive pecuniam ex rebus Fratrum usibus prius datis, immo ex oblatis divenditis provenientem in dominium suum assumpfit: Ergo non respectu Pontificis &c.

S.O.

Respondet P. Pelanus quoad hoc punctū; primò negando, quòd assumat Pontifex Nicol. III. *in dominium pecuniam ex rebus divenditis provenientem*: negatque Pontificem in sua Decretali id insinuare: *Imo* (inquit) *ipse Nicol. ait: Nec eo animo ut distrahant, seu vendant, recipiant.* Sed

Contra. Quòd hoc insinuet in sua Decretali Nicol. III. manifestè patet ex dictis supra in probatione secunda Concl. primæ per totum. Unde Martin. V. in hac sua de Syndico provisiōne cap. 4. *statuimus* (inquit) *& ordinamus, juxta declarationem Nicol. III. & Clem. V. ac Martin. IV.* *Quod quilibet Conventus, seu locus habeat suum Procuratorem, economum, Syndicum, & factorem, cui omnis eleemosyna pecuniaria, & alia, quæ ad pecuniam reduci possunt, integraliter consignentur &c.*

Respondet secundò : *Falsum esse, quòd Martin. V. nihil aliud faciat, quam Nicol. III. quod sic ostendit :* Nam Martinus V. *assumit in dominium pecuniam à Fratribus per recursum procuratam, vel liberaliter, aut ex laborio eis oblatam :* Nicol. III. *verò minimè; sed vult, quòd pecunia illa secundum Regulæ puritatē remaneat in proprietate, & dominio offerentium & donantium, donec in Fratrum necessitates sit expensa.* Item Martin. V. *recipit in dominium non solum omnes pecunias eleemosynari-*
as,

as sed etiam ea , quæ ad pecuniam reduci possunt , ut constat ex Martiniana cap. 4. Nicol. vero III. nec pecuniam , nec reducibilia ad pecuniam recipit ; & sic patet (inquit) Martinianam contrariari Regule , & Declarationibus Pontificiis Nicol. III. & Clem. V. respectu Pontificis pecuniam in dominium assumentis ; Et per consequens clarissimum est , hoc primum Membrum non esse verum . Sed

Contra . Quamvis Materialiter , & in individuo , aliud faciat Martinus V. quam Nicol. III. formaliter tamen & specificè idem omnino facit uterque : nam sicut Nicol. III. De pecuniis ex pretio rerum , quæ in usu Fratrum ante fuerunt , per Procuratores suos divenditarum provenientibus providerat ; scilicet ut ad Ecclesiarum dominium pertinerent , in genere piorum donorum ; donec in necessitates Fratrum essent expensæ : idem de pecuniis , sub incerto domino velut relictis , & abjectis per dantes (sive sint per recursum pro necessitatibus praesentibus aut imminentibus procuratae , sive liberaliter oblatæ , sive pro labore) Martinus V. ordinavit ; Consequenter non aliud voluit formaliter , quam Nicol. III. sicut v. g. si quispiam pro eleemosyna expenderet unum Imperiale , & alter ejusdem pretii vel majoris viatum ; quamvis materialiter aliud faceret unus , quam alter ; formaliter tamen uterque idem exerceret , scili-

cet

cet ejusdem virtutis actum ; Et quando Nicol. III. pecunias hujusmodi vult manere in proprietate , & dominio donantium , ac offerentium , donec in necessitates Fratrum sint expensæ , supponit , quòd illius dominium sibi reservaverint douantes ac offerentes ; ut colligitur , tam ex illa ratione , quâ assumit in dominium pecuniam ex rebus , quæ fuerunt in usu Fratrum , provenientem , & ipsas res hujusmodi , ne scilicet maneant sub incerto dominio : tum ex Statutis Reformat . supra folio 31. & 32. præsertim dum cap . 4. dicunt syndicum debere habere curam eleemosynæ pecuniariæ pro necessitatibus assignatae præsentibus , vel imminentibus ; casu quo ille , qui dedit , nollet eam servare ; Et quòd ibi fit sermo de Syndico ut Syndico , patet ; nam volunt illum nominari à Generali , & Provinciali , quòd ad Syndicum ut substitutum dantis non requiritur . Quòd si fortè etiam Nicol. III. non voluisset hoc de pecunia per recursum procurata , aut liberaliter , vel pro laboris Fratribus oblata ; nō sequitur , quòd minus id potuerit facere Martin. V. absq; præjudicio Regule , sicut fecit Nicol. III. de illa , quæ provenit ex venditione rerum mobilium , quæ erant in usu Fratrum ; cùm eadem sit utriusque ratio .

Quando ulterius addit P. Pelanus , Nicolaum nec pecunias , nec reducibilia ad pecuniam ,
reci-

recipere in dominium; Hoc manifestè falso sum est: Tum ex dictis immediatè de pecuniis ex venditione rerum mobilium, quæ erant priùs in usu Fratrum, provenientibus (& ipsis etiam rebus hujusmodi, quæ jure dicuntur reduci ad pecuniam; quia licet sint receptæ animo, ut eis in suis necessitatibus Fratres immediate utantur; attamen secundum P. Pelandum in solutione ad sextam probationem, si postea in toto, vel in parte retinentur, & asservantur, ut vendantur, pecunia sunt (esseque idem pecuniam habere, & uti pecuniâ:) quod enim haec sint in domino Papæ, fatetur ipsemet P. Pelaud. fol. 75. §. Quia si Doctor: ubi dicit non solum res ipsas mobiles, quæ fuerunt in usu Fratrum; sed & pecuniam ex iis provenientem, esse in certissimo domino Sedis Apostolicæ; Idque clarissimè colligitur ex Transumpto Instrumenti Cardinalis Matthæi Protectoris Ordinis ad Archi-Epis-
cos, & Episcopos Germaniæ dati Romæ 1280.
Calen. Maij, Pontificatus Nicol. III. Anno 3. uno scilicet anno post Declarationem, seu Extrava-
gantem ipsius: *Exiit qui seminat &c.* quæ data
erat 18. Calen. Septembr. Pontificatus Ejusdem An-
no 2. Quod quidem Instrumentum continet executionē Procuratorum Apostolicorum juxta Declarationem Nicol. III. factam, per Trevi-
rensem Archi-Episcopum 1281. in Crastino
Omni-

Omnium Sanctorum ; In quo instrumento inter alia habetur : Procuratores illos sive Syndicos institui ad recipiendum pretium , sive pecuniam de mobilibus, quæ sunt in usu Fratrum, provenientem, & ut hujusmodi pretium seu pecuniam illam , quæ prius deposita fuerat apud alios Procuratores , seu Syndicos aliter institutos recipient . Deinde Nicol. III. in speciali casu quo scilicet donans Principalis moreretur, voluit pecuniam apud Depositarium sive substitutum depositam pro necessitatibus Fratrum , in illas etiam contradicente vero hærede expendi , quæ donec expensa sit (cùm non sit amplius donatis, qui mortuus est , nec substituti, qui solùm est minister, & ab hærede abstrahatur) necessariò ex vi Declarationum Nicol. III. ad dominium Ecclesiæ & Pontificis reddit . Vid. Decl. Nicol. III. art. 6. quid faciendum . Quamobré Cordub. in cap. 4. q. 16. punc. 3. Ad omnes elemosynas , etiam pecuniarias in testamento relietas , & ad illas in judicio , vel extra repetendas , nomine Ecclesiæ , licetè posse uti Syndico affirmat ; (si tali legato verè Fratres indigeant) eo quod dominium eorum , vel saltem dispensatio ad Papam pertinere probatur juxta immediatè dicta ; Idq; per Decretalem Nicol. concedi affirmat . Ad hæc &c. ubi agens de legatis Pontifex præcipit , quod tam Hæredes , quam Exc-

cuto-

cutores, quām judices, seu alij Prælati, ex officio proprio diligenter procurent, & faciant, quòd talia legata diligenter solvantur, & piæ Defunctorum voluntates impleantur, subjungit: nam & nos etiam per modos licitos, & Fratrum Regulæ congruos intendimus providere &c. Ex quibus verbis patet, quòd intendebat summus Pontifex providere de Syndico, qui posset nomine Ecclesiæ talia legata repeterem, quod postmodùm non fecit, vel morte præventus, vel aliàs præpeditus. Et ideo Martin. IV. & alii ejus Successores prædicti, executioni mandarunt, quod Nicol. ipse mandare non potuit; Et quòd id fieri possit secundūm Regulæ puritatem, ex eisdem Mart. IV. Bulla comprobatur: Dicitur enim ibi, quòd per hanc Syndici provisionem dantur remedia opportuna, per quæ nostri Ordinis pura observantia, in sui vigore conservetur; Quam opinionem Cordubæ, Hieronymus à Polit. satis rationabilem, & in nullo Regulæ puritati præjudicare censet, in cap. 4. n. 50. quamvis Speculatoris & Collectoris modū (quoad juridicam duntaxat repetitionem) sanctiorem ad ædificationem populi putet.

Pergit ulterius P. Pelanus, adducens ex Patre Marchant, quòd in confirmationem hujus membris dicat: Non aliâ ratione hanc Provisiōnem facere Martinum V. quām illâ, quā utitur

Nicolaus; nimis ne res, & rerum pretia, sive pecuniæ sub incerto dominio maneant; cùm non sit Persona, in quam dominium rerum, & pecuniarū pro Deo oblatarū devolvatur, quām Persona Summi Pontificis, vel Ecclesiæ Romanæ; sed quòd in hoc decipiatur P. Marchantius, deducit ex quatuor.

Primo. Quia Nicol. III. loquitur solum de rebus mobilibus, & immobilibus, quibus Fratres licetēuntuntur, dicens; quod assumit eas in dominium & proprietatem Romanæ Ecclesie, ne sub incerto dominio maneant. Nec ullam facit mentionem de rerum pretiis, seu pecuniis, quas ipse P. Recollectus addit, ut existimo, ad libitum suum, ut efficere valeat conformitatem & identitatem à se intentam inter Martinum & Nicolaum.

Sed potius P. Pelanus maximè decipitur in intelligenda Propositione P. Marchant: P. enim Marchant non allegat illam rationem Nicolai, quasi illam in terminis ponat Nicolaus loquendo de rerum pretiis sive pecuniis; Sed dicit: quòd cùm Nicolaus res in usu Fratrum ante existentes, (de quibus expressam facit mentionem) ac consequenter earum pretia, sive pecuniam ex eis provenientem recipit in dominium Sedis Apostolicæ; quia cùm res, quæ sunt in usu Fratrum, sint in dominio & proprietate Sedis Apostolicæ, consequenter etiam pecunia ex eis pro-

proveniens est in dominio Sedis Apostolicæ, ut etiam ipsem P. Pelandus infra affirmat. Ex hoc P. Marchant arguit à paritate rationis vide-licet; quod sicut Nic. III res mobiles, & immobiles, quibus licet Fratres utuntur, assumit in Dominium Romanæ Ecclesiæ, ne sub incerto dominio maneant, absque præjudicio Regulæ: ita eadē ratione potuisse, & defactò fecisse idem Martinum V. de pecunia per recursum, vel liberaliter, vel pro laborio oblata Fratribus.

Secundo. Dicit decipi P. Marchantium; *quia si Doctor iste (inquit) intelligit, quod Nicol. III. assunxit in dominium pretia, & pecunias provenientes ex venditione mobilium, quæ in usu Fratrum sunt, ne maneant sub dominio incerto; hoc non videtur verum: quia cum res mobiles, quæ sunt in usu Fratrum, sint in dominio, & proprietate Sedis Apostolicæ, consequenter & pecunia ex illis proveniens est in dominio certo, immo certissimo Sedis Apostolicæ: nec potest dici ullo modo, quod Sedes Apostolica assumit illam in Dominium sub hac ratione, videlicet; ne sub incerto Dominio maneat.* Sed

Contra. Eadem ratione, quæ res, quibus utebantur Fratres, assumuntur in dominium Ecclesiæ, assumitur pretium illarum, sive pecunia ex illis proveniens: nam accessorium sequitur naturam sui Principalis; Sed res vendendæ, quibus Fratres licet utebantur, assumun-

tur in Dominium Eccl. Rom. eâ ratione, ne sub
incerto Dominio maneant : Ergo eâdem etiâ
ratione assumitur in dominium Ecclesiæ preti-
tum illarum , seu pecunia ex ijs proveniens :
Ergo sicut postquam semel illæ res sunt assum-
ptæ in Dominium Ecclesiæ , hoc non obstante,
quod sint in dominio certissimo ejus ; adhuc de
illis verum est dicere , quod sint assumptæ eâ ra-
tione , ne maneant sub incerto dominio : ita
non obstante , quod etiam postquam pretium
earum est semel assumptum in Dominium Pa-
pæ , estque in certissimo dominio ejus , quatenus
res illæ sunt in dominio ejus ; verum erit de illo
pretio , seu pecunia dicere , quod sit assumpta in
Dominium Papæ , seu Ecclesiæ sub hac ratione ,
ne sub incerto dominio maneat ; Et ita falsum
est , quod in sua Responsonie dicit Pater Pelan-
dus.

Tertio. Deducit decipi Patrem Marchant in
allegatione Nicol. III. Quia (inquit) idem Do-
ctor dicit , quod Mart. V. assumit in dominium eleë-
mosynas pecuniarias , & alia ad pecuniam reducibi-
lia eâdem ratione , quâ Nicol. III. scilicet , ne manè-
ant sub dominio incerto ; sed neque hoc verum vide-
tur ; nam hæc ratio scilicet , nè res mobiles & immo-
biles , quibus Ordo licet utitur , sub incerto dominio
maneant , à Nicol. III. fuit expressa , non autem à
Mart. V. respectu rerum & pecuniarum , sed vide-

etur ad libitum addita à P. Recollecto, ut Martinus videatur Nicolao conformis.

Contra. Licet Mart. V. rationem illam respectu Rerum, & pecuniarum, quas in dominium recipit, non exprimat; tamen id facile colligi potest, quod propter eam id faciat, ex motivo, quo inter alia motus, præfatam dispositionem fecit; quia scilicet donantes pecunias, ut plurimum non obstantibus Fratrum informationibus, & protestationibus in Declarationibus Nicol. III. expressis, quando pecunias pro amore D E I donabant, pro necessitatibus præsentibus, vel imminentibus Fratrum, à se dominium earum, & potestate abdicare intendebant; prout & communiter modò intendunt, non intelligentes istas protestationes, sed pro Cæremoniis urbanis illas reputantes; quod amplius credunt, quando pro Officiis Divinis, Prædicationibus &c. pecuniam præstant, arbitrantes se naturali saltem gratitudine obligari; Idque recognoscunt, & fatentur Constitutiones Generales Julii secundi (et si in pluribus Privilegiis) quæ cap. 4. referentes causam, cur Martin. V. hanc provisionem dederit, non aliam ponunt, quam quod quidam dando liberè, vel legando pecuniam, nedum volunt & intendunt, immo verbo exprimunt &c. se eo ipso à se ipsis dominium talium abdicare, &c. quæ pecuniae, cum

non essent hactenus in dominium Ecclesiæ receptæ, angehantur Fratres, quomodò ad illas recurrere possunt, vel in suas necessitates procurare expendi, sinè autoritate alicujus veri Professoris, qualem in his neminem cognoscebant: Igitur Mart. V. volens his anxietatibus providere, accepit in se dominium illarum pecuniarum, si quæ fortè sic abdicatae essent, ut certum Dominium non haberent, vel intelligerentur non habere.

Quarto. Putat decipi P. Marchantium in allegando præfato Nicol. III. textu. *Quia* (inquit) Nicol. III. *vult*, quòd pecunia à Fratribus per recursum procurata, veleis liberaliter, aut ex laborio oblatæ, remaneant in proprietate, & dominio donantium, donec in Fratrum necessitates expendantur; & per consequens, non potest dici, quòd sint sub incerto dominio: Ergo verum non videtur, quòd Mart. V. assumat eas in dominium sub hac ratione, nè maneat sub incerto dominio.

Contra. Hoc est, quòd Martinus V. non accepit in se dominium pecuniæ cujusvis, sed illius duntaxat, quæ nullum haberet dominium, utpotè pecuniæ, quam donans, vel legans à se omnino abdicasse intelligeretur, vel censeretur; quâ ratione (ut colligitur ex Nicol. III. assumente in dominium Res mobiles & immobiles, quibus licet utuntur Fratres

tres) manere censeatur sub incerto Dominio.
Sed

In stat P. Pelanus: sed Textus Martinianæ id non dicit, sed absolute ait: Cui (Syndico) omnis elemosyna pecuniaria, & alia, quæ ad pecuniam reduci possunt, integraliter consignentur.

Quod tamen cum prædicta limitatione debat intelligi Textus Martinianæ, patet ex dictis immediatè ad tertium; Nec est credibile, quod Pontifex voluerit auferre dominium donantium, & sibi appropriare, si illud sibi reservarent.

MEMBRUM II.

Hic P. Pelanus adducit probationem P. Marchantii, quâ probat Martinianam non contrariari Regulæ, nec dictis Declarationibus Pontificiis respectu Syndicorum pecuniam recipientium & administrantium, hoc modo: quia Syndici duplē personam gerunt, nimirum substitutorum donantium respectu pecuniae, cujus dominium sibi dantes reservarunt; & substitutorum Papæ respectu pecuniarum, quæ ad dominium Papæ revertuntur, dum illud donantes à se ablegasse censemur. Itaq; sive sint Substituti donantium, sive Substituti Papæ, qui in hoc casu repræsentat donantes,

nihil Regulæ, aut Declarationibus officiunt. Et ita habet P. Marchantius.

SOLUTIO.

Respondet P. Pelanus. Quod licet possit salvari, hoc non officere respectu pecunia, qua Syndicis daretur sine Fratrum scitu, & sine eorum consensu, ad quos tanquam ad amicos Spirituales recurrerent, sicut facerent ad quemlibet alium; attamen respectu pecunia, qua a Fratribus per recursum procuratur, vel eis liberaliter, aut ex laborio offertur, patet manifestè, quod Regulae & Declarationibus officit: Nam ex Nicol. III. constat, quod non possunt Fratres statim presentare, vel nominare Syndicum, nec Personam aliam, cui pecunia committatur; quia hoc modo esset Persona interposita, contra Regulam; Sed si dantes nollent per se expendere pecuniam in Fratrum necessitates, debent Substitutos nominare; & quando nollent; sed vellent, quod persona nominetur à Fratribus, tunc nominare possent, ita ut pecunia dominium apud dantes maneat, donec in Fratrum necessitates sit expensa. Etsi iste modus servatur, declarat idem Nicol. III. §. Ceterum: Quod in nullo infringitur Regula puritas, aut quomodo liber ejus observantia maculatur. Unde per oppositum nominando, vel praesentando statim Syndicum, vel personam aliam, ad recipiendum dictam pecuni-

am, secundum eundem Nicol. Regula puritas infringitur, & ejus observantia maculatur.

Modo secundum Martinianam, potest statim & immediate Syndicus nominari, ad recipiendum dictam pecuniam à Fratribus per recursum procuratam, vel eis liberaliter oblatam, aut pro laboritio donatam; ita ut ejus Dominium apud Donantes, (nisi illud sibi reservent) non remaneat, sed in Summum Pontificem transeat. Ex quo patet, quod etiam secundum membrum non est verum; nimisrum quod Martiniana in nullo sit contraria Regule, aut Declarationibus Nicol. III. & Clem. V. respectu Syndicorum pecuniam recipientium; quia ut ostensum est, verè contraria est, & non est ibi illa omnimoda conformitas & identitas, quam fatetur esse Doctor Recollectus. Ita P. Pelanus. Sed

Contra arguitur sic. Etiam respectu pecuniae, quæ à Fratribus per recursum procuratur, vel eis liberaliter, aut ex laboritio offertur, supposito (ut debet semper supponi) quod adsit vera necessitas, præsens, vel imminens, Syndicus præfatus non officit Regulæ & Declarationibus: Ergo Responsio nulla. Antecedens probatur: Ex hoc solùm officeret, ut vult Pater Pelanus, quod secundum Martinianam possit statim Syndicus nominari, ad recipiendam dictam Pecuniam, à Fratribus per recursum procuratam, vel eis liberaliter, aut ex laboritio oblatam; at-

que sic Syndicus esset persona interposita , contra Regulam ; Sed ex hoc capite non officit Regulæ : quia si consideretur Syndicus ut substitutus Dantium ; quamvis nominetur, aut praesentetur à Fratribus ipsis donantibus , etiam antequam illi dicant , se nolle per se pecuniam expendere , nec nosse aliquem , cui committant , modò authoritatem circa pecuniam Syndicus prænominatus , non à Fratribus , sed à Proprietario accipiat , (quod fieri potest , sive expressè , & immediate , sive ex probabilitate præsumpta dantis voluntate) non erit persona interposita , quæ nunquam est , nisi cùm authoritatem circa pecunias expendendas à Fratribus accipit : ergo ex hoc capite non officit Regulæ : Et quamvis id videtur prohibere Declaratio Nicol. III. & Clem. V. defactò tamen id non prohibet ; sed solum monet , & ad cautelam maiorem hortatur , ob periculum transgressionis Regulæ : ut infra dicetur fusius.

Quod si Syndicus præfatus consideretur , ut substitutus Papæ , qui in hoc casu repræsentat donantes ; multò minus officit Regulæ & Declarationibus ; Quod probatur : Licuit Fratribus Minoribus ex Regula & Nicol. III. & defactò licet cum puritate conscientiæ , quando dominus pecuniaæ non vult , aut non potest commodè pecunias expendere in necessitates Fratrum , no-

mina-

minare, & ex Consensu, ac voluntate principalis domini, subrogare personam quamcunque idoneam, quæ nomine Domini Principalis pecuniam expendat in veras necessitates; & cū persona sic subrogata ita agere, sicut cum prima, siue Domino pecuniæ licebat: Sed in casu nostro nominare Syndicum, siue Procuratorem ex consensu Papæ ad venditiones rerum, & expensionē pecuniæ in necessitates; nihil aliud est, quām ex consensu & voluntate principalis Domini (qui in hoc casu est Papa) cūm per se non velit subrogare personam, quæ nomine ejus expendat pecuniam in veras necessitates præsentes, vel imminentes: Ergo cum Regulæ puritate licet tales personas nominare, subrogare, cūm ita Pontifex tanquam Dominus Principalis ordinet & velit: Atq; sic servatur modus Nicolai,

Confirmatur. Procuratores à Nicol. III. instituti ratione venditionis rerum ante in usu Fratrum existentium, receptionis pecuniæ, expensionis ejus in necessitates Fratrum, quæ auctoritate Summi Pontificis sunt, ejusque nomine; interposita Fratrum Persona dici non possunt: Ergo nec Procuratores à Mart. V. instituti; cūm nè quidem in puncto, siue ratione institutionis, siue administrationis, ab illis dissideant; quamvis fortè in objecto, seu subjecto aliqua sit differentia. Si

Di

Dicas. Quamvis id admitti possit quantum ad pecunias, quæ jam nullius Dominii factæ sunt, eò quod dantes eas à se abdicaverunt; tamen admitti non potest, respectu pecuniarum, cuius dominium manet penes dantes; attamen secundum Martinianam respectu etiam istius potest statim immediatè Syndicus nominari, ad recipiendum dictam pecuniam, ita ut ejus dominium apud donantes, nisi illud reservent, non remaneat, sed in Papam transeat; Consequenter arctari videntur tā dantes, ut pecuniam non nisi Syndicis consignent, quam Fratres, ut non nisi Syndicos nominent.

Respondeatur. Pontificem nō voluisse ullā ratione restringere potestatem donantiū, quin, si ve-
lint, in se potestate, & dominiū reservent, illamq;
administrent, vel administrari faciant per quos-
libet substitutos, prout etiā declaravit Nicol. III.
Declaratio enim Mart. V. & Statutū, solum ref-
picit Fratres, (quibus tamen Mart. V. liberum
reliquit servare modos Nicolai, si putarent se
posse eos melius servare c. 4. Const.) ita ut decla-
ratio Mart. V. præfata, duos habeat fines. Pri-
mò: ut provideatur incerto dominio pecunia-
rū, & declaretur, illas jure communi, ut bona
pauperibus piè data, absq; retentione dominij,
in dominium Ecclesiæ revolvi, & Procura-
toribus assignari, tanquam Domini Pape
Sub-

Substitutis ad legitimam eorum administratio-
nem , ut in usus Fratrum convertantur. Se-
cundò : ut inquietudinibus Fratrum , & abusibus
emergentibus melius provisum esset quoad no-
minationem substitutorum & Depositariorum,
casu quo dantes etiam dominium pecuniae re-
tinentes , nollent personas aliquas nominare ad
expendendum , sed Fratres juxta Decla. Nicol.
III. deberent illas præsentare ; cùm nomine
Fratrum intelligantur illi tantùm , qui ad ami-
cos recurrere possunt : Sunt autem ex Regula
Ministri tantùm , & Custodes : ex Decl. verò
Nicol. Fratres ab illis commissi : unde Mart. V.
providè , & secundùm Regulam ordinavit , nè
nimia licentia daretur Fratribus in nominan-
do : (cùm Fratres suæ conscientiæ prodigi ta-
les interdum nominarent , quibus ut famulis &
Ministris utebantur , & per ipsos infideliter ad
placitum Fratrum expendebantur) ut ad hujus-
modi pecunias expendendas , non nominaren-
tur , nisi à Ministris & Custodibus nominati ; &
hi sunt Syndici , quorum fidelitati cætera Con-
ventuum negotia , autoritate Pontificis sunt
commissa ; Prout etiam defactò nostra Pro-
vincialia ordinant Statuta : Atque sic hac pro-
visione Mart. V. potius est firmata Regula , &
judicio Ministrorum & Custodum , ac Summi
Pontificis fideles personæ designatæ sunt , quæ
donan-

donantibus nominari, vel præsentari possunt pro administratione eorum pecuniæ, tanquam ipsorum substituti, donec in usus Fratrum expendatur; Ita tamen, quod si donantibus aliter placeat, vel si ipsi aliter per se, vel per alios disponere velint, illis liberum sit; modò pecunia juxta licitos Regulæ modos expendatur: Unde nihil per hanc Provisionem Mart. V. derogari videtur dispositioni Nicolai III.

MEMBRUM III.

Hic P. Pelanus adducit probationem Patris Marchant deducentis Martinianam non esse contrariam Regulæ, nec Declarationibus respectu Fratru, & modi recursus, sic: Quia Fratres non possunt recurrere ad Syndicos, nisi secundum rigorosum Regulæ præceptum, nemirum auctoritate Ministrorum & Custodum (sub quibus Guardiani comprehenduntur) & in vera præterita, præsenti, vel imminentि necessitate a Ministris & Custodibus judicanda, & secundum modos, quibus ad amicos spirituales, & eorum substitutos per Declarationem Nicol. III, recurrere possunt: Unde nihil possunt Fratres agere circa Syndicos, quod ex Regula non possunt circa Dantes, vel Substitutos. Ita hæc sunt verba P. Marchantii.

SOLUTIO.

Respondet P. Pelanus: Quod ex Tribus, quae P. Marchant adducit ad probationem hujus 3. membra, unum conceditur, & duo negantur. Primo, quod Fratres non possint recurrere ad Syndicatum, nisi secundum rigorosam regulam preceptum, auctoritate scilicet Ministerorum, & Castodum, & hoc conceditur. Secundo, quod Fratres non possint recurrere ad Syndicos, nisi secundum modos, quibus ad amicos spirituales, & eorum substitutos, per Declarationes Nicol. recurrere possunt; Et hoc conceditur secundum Nicol. IIII. sed negatur secundum Mart. V. qui expressè relinquit Fratribus liberum, servare modos Nicol. IIII. eosq; in hoc dispensat dicens cap. 4. Martiniana: In omnibus autem, quæ ultra hoc magis videntur arctare Fratres, sive ex Declaratione Clementis, sive ex quacunq; alia Declaratione Summ. Pontificum, vel aliorum quorumcunque Apostolicæ auctoritate misericorditer dispensamus: Deinde subjungit libertatem servandi Decl. Nicol. IIII. & Clem V. dicendo: non adstringentes eos, qui volunt predictas Declarationes servare, quin suo voto satisfacientes servare valeant, & tenere. Idemque ipsum P. Marchantium fateri dicit, quamvis hic aliter loquatur, ut Nicolaum ad Martinum pertrahat. Tertio negat, quod nihil possint agere Fratres circa Syndicos, quod ex Regula non possunt agere circa dantes, vel substitutos.

Quia

Quia (inquit) secundum Martinianam plus possunt Fratres circa Syndicos Papæ , quam secundum Regulam & Nicol. III. circa substitutos donantium : Nam ad Substitutos donantium non possunt recurrere , nec eos rogare , nisi ut expendant in Fratrum necessitates pecuniam sibi à donantibus commissam : sed secundum Martinianam non solum possunt Fratres recurrere ad Syndicū Papæ , & eum rogare , ut expendat pecuniam ex venditione mobilium , quam sunt in usu Fratrū , acceptam , sed etiam ad recipiendum in Papæ dominium pecuniam à Fratribus per recursum procuratam , vel sibi liberaliter aut ex laborio tributam ; Quod quidem nullo modo facere possunt , iuxta Declarationes Nicol. III. & Clem V. qui volunt , quod hujusmodi pecunia maneat in Dominio donantium , donec expendatur , nec ullo modo in dominium Ecclesia transeat ; & propterea Martiniana in hoc Fratres dispensavit dicens : misericordie dispensamus .

Sed quantum ad hoc secundum , & tertium punctum , quæ negantur à P. Pelando , ob rationes ab ipso adductas ; Admissò , quod per Martinianam in modis à Nicolao expressis sint dispensati , ut prætendit P. Pelandus , cum Corduba contra solutionem Patris Pelandi quoad secundum .

DICO . Quod P. Pelandus confundat modos recursus expressos in Decl. Nicol. III. qui sunt in

in duplice differentia : aliqui enim sunt quasi intrinseci , essentialiter determinantes substantiam votorum, Præceptorum, ac obligationum, sinè quibus eorum essentia salvari non potest : alii sunt quasi extrinseci , accidentaliter determinantes vota, præcepta, & Obligationes, sinè quibus potest salvari substantialis puritas eorum ; qui propterea mutari possunt interdum in æquivalentes, & quandoque etiam juxta circumstantias, in meliores. In proposito itaque nostro, quando P. Marchantius dicit, Fratres non posse recurrere ad Syndicos Martinianos , nisi secundum modos, quibus ad amicos spirituales, & eorum substitutos per Declan. Nicol. III. racurrere possunt ; loquitur de modis quasi intrinsecis , qui sunt : ut Fratres non permittant plus deponi apud illos, quam necessitas requirat, ut residuum ad donantes revertatur , ut donantes repeterem possint pecuniam , ut Fratres recurrendo in pecuniam nil omnino Juris prætendant , & ab omni administratione, seu dispensatione pecuniae abstineant , ut contra personam nominatam ab eis , cuiuscunque conditionis existat, in judicio, vel extra , qualitercumque persona predicta in commissione hujusmodi se habeat, actionem non irritent ; nisi enim serventur isti modi, substantia præceptorum, & Obligationum Regulæ , ut patet, violatur ; Et isti modi

etiam secundum Martinianam servari debent
in recursu ad Syndicos ; nec hos servare liberum
relinquit Martinus Fratribus , neque eos in his
dispensat ; sed loquitur de aliis modis , quasi
extrinsecis , qui sunt mutabiles , salvâ substanciali
puritate Regulæ , quales sunt illi : Quod
Fratres non nominent , nec præsentent substitutum ,
nisi postquam dixerit ille , qui dat pecunias ,
se nolle per se , nec aliquem nosse , cui comittat ;
Quod faciant protestationem , & quod petant assensum dantis , & licentiam ad subrogandum ,
vel substituendum alias personas ; si-
c ut præscribit Nicol. III. & Clem. V. nam ut
advertisit Cyprianus Crouthers 45. supra Reg.
Fratum Minorum ex Hieronymo à Politio ,
Pontifices illos modos posuisse ad abundantior-
rem cautelam , & monitionis causam , ut indicat
illa particula in descriptione h̄orum modorum
Nicol. posita . §. Ceterum &c. si fieri poterit . Et ut
magis à periculis transgrediendæ Regulæ &
receptione pecuniae elongemur . Ne merito (inquit
Clem. V.) transgressores Regulæ , & Praecepti dici
possint .

Dices . Nicol. III. §. Ceterum , dicit : Quod
si iste modus servatur , in nullo infringitur Regula
puritas , aut quomodolibet ejus observantia macu-
latur : Ergo per oppositum , nominando , vel
præsentando statim Syndicum , vel personam
aliam

aliam ad recipiendam dictam pecuniam, secundum eundem Nicolaum Regulæ puritas infringitur, & ejus observantia maculatur.

Respondetur neg. Consequentiam. Quia enim hoc non tangit essentiam Praeceptorum, votorum, atque obligationum, sed solum est modus accidentalis, quo practicari potest praceptum Regulæ, ly nullo modo Denarios, vel pecuniam recipient, potest mutari salvâ observantiâ, & puritate Regulæ, in oppositum variatis circumstantijs, ita ut puritas Regulæ sicut stat cum eo, ita & cum opposito; sicut malè inferretur: sumendo collatiunculam præscriptam in die Jejunij non frangitur Jejunium, nec ejus observantia maculatur: Ergo per oppositum non sumendo jejunium frangitur, & ejus observantia maculatur.

Quoad tertium. Primo oppono Statuta Reformat: que cap. 4. num. 3. supra citavi. Sicque arguo: Ex Declaratione Nicol. III. non solum possunt Fratres recurrere ad Substitutum donantium, ut expendat in Fratrum necessitates pecuniam sibi à donantibus commissam, sed etiam, ut patet ex Art. 4. §. Cæterum, quando Dominus pecuniae non vult, aut non potest commodè pecuniam expendere in necessitates Fratrum, nominare, & ex consensu, ac voluntate principalis Domini subrogare personam quam-

cunque idoneam , quæ nomine domini Principalis pecuniam expendat in veras necessitates , & cum persona sic subrogata agere possit , sicut cū pecunia , sive Domino pecuniæ licebat ; Sed nominare , vel instituere , ac subrogare Syndicū , & Procuratore ex consensu Martinianæ ad recipiendum in Papæ dominium pecuniam , sive à Fratribus per recursum procuratam , vel sibi liberaliter , aut ex laborio tributam ; nihil aliud est , quām ex consensu , & voluntate Principalis Domini (qui in hoc casu , ut demonstravi superiùs , est Papa) cūm per se non velit subrogare Personam , quæ nomine illius pecuniam expendat in veras necessitates , ut suppono : Ergo cum Regulæ , & conscientiæ puritate etiam conformiter ad Declarat . Nicol . III . licet tales personas instituere , nominare , subrogare , cūm ita Pontifex fieri ordinet , & velit , sicut verus Dominus : Quamvis juxta Decl . Nicol . III . & Clem . V . non licuisset , supposito , quòd noluerunt ; quamvis cum puritate Regulæ , & conscientiæ Fratrum potuisse velle .

Ex quibus patet insufficienter esse solutas rationes P. Marchantii à P. Pelando , & frustra ab eo incusari P. Marchantium , quòd non declaraverit , an , & quando post Bullam Urbani octavi , licea Martinianà uti ? hoc enim abunde fecit , cūm ostendit eam in contingentibus substanti-

am votorum, præceptorum, obligationum Regulæ, esse omnino conformem, & ferè eandem cum Declarationibus Nicol. III. & Clem. V. in aliis verò saltem æquivalenter.

Et ex dictis patet ad alia, quæ à P. Pelando incontrarium exaggerantur; ut dum Art. 4. demonstrare nititur omnino modam disformitatem, inter provisiones Martinianas, Nicol. III. & Clē. V. ex ipsorum textu: Nam quantum ad essentialia, sicut in Provisionibus Nicol. III. & Clem. V. dicitur: *Totus Ordo semper tenuit, & tenet, quod Regula servatur secundum suam puritatem, quando servatur secundum nostram directionem*: ita in provisionibus Martini IV. Pontifices prædicti declaraverunt se nō intendere, nisi purā obseruantiam Regulæ, conscientiarum puritatem, & quietem: Sic expressè Martinus IV. in Bulla: *Exultantes in Domino*. Martinus V. in Bulla: *Amabiles fructus*; quas Bullas ut observantiae Regularis assertrices, confirmavit insertis tenoribus eorū Evgenius IV. Bullâ: *Provisionis nostræ Paulus IV. Bullâ: Ex Clementi*; ubi postquam institutionem, vel potestatem Syndicorum, in provisionibus prædecessorum suorum contentam declarasset, & innovasset, subdit: Nec propter præmissa Fratres Minores hujusmodi, contra Regulam S. Francisci, quam professi sunt, & profitebuntur in futurum, sive contra Statuta Regularia

sui Ordinis in aliquo facere, nec fecisse : immo cum illius observatione quoad hoc, & pura, ac sana conscientia, sine alicuius conscientiae scrupulo vixisse, & imposterum vivere declaramus.

Quod autem P. Pelanus adducit textum Mart. V. in quo dicitur : *Authoritate Apostolicâ misericorditer dispensamus, intelligi debet, ut dixi de modis accidentalibus à Nicol. III. & Clem. V. præscriptis, qui videbantur arctare Fratres ; in rei veritate tamen erant mutabiles, salvâ substanciali puritate Regulæ : neque Declar. Nicol. III. & Clem. V. possunt præjudicare Declarationibus sequentium Pontificum, quin possint dubia, difficultates, & alias de puritate Regulæ, & modis observantiæ quæstiones insurgentes, sive renovatas resolvere, declarare, interpretari, modosque observantiæ determinare ; sicut & Antecessores potuerunt. Unde dispensatio, de qua loquitur Martiniana, non est relativa, sed declarativa ; qualem reperiri etiam in declarationibus Nicol. III. & Clem. V. dixi supra fol. 14. in Resp. ad object. tertiam post concl. primam. Nec est verum, quod dicit Sanctorus, hanc arctionem, in qua dispensat Martiniana provisio, non esse venialem, sed mortalem ; quia inquit materia venialis nec arctat, nec indiget dispensatione : nam P. Bonagrat. Capucin. V. Dispensatio docet materiam dispensationis nō solūm*

solum esse regulam, sed etiam constitutiones, & statuta Ordinis, quæ, ut omnes tenent, non obligant etiam ad veniale num. 136.

Ad id quod addit in fine Articuli, secundum Martinianam debere omnes Eleemosynas pecuniarias, & alia quæ ad pecuniam reduci possunt, Syndico integraliter consignari, contra Nicol. III. Declarationem, qui determinat non posse Fratres recurrere ad dantes, vel eorum substitutos, nisi in vera præsenti, vel imminentí necessitate: Undedicit P. Sanctorum de Melphi in Comentariis Statut. cap. 4. inferre, quod Syndicus secundum Martinianam etiam superflua recipere possit, & ad thesaurizationem, contra Regulam & Declarationes Nicolai III. & Clem. V.

Respondeatur neg. Assumptum, & illationem Sanctori; quia, ut notat Marchant fol. 90. sua preelect. Theol. semper in omnibus suis provisionibus, quando Pontifices loquuntur de Fratribus, restringunt, ut omnia, quæ circa illos fiunt, per modos suæ Regulæ licitos & congruos, vel prout illis licet ex Reg. & Declaratione Reg. fiant; Quod præsertim verum est de Constitutione Martiniana in materia proposita, in qua postquam determinatum est, omnes Eleemosynas pecuniarias, & alia, quæ ad pecuniam reduci possunt, debere integraliter consignari Syndico

dico, subditur : qui eadem dispensare debeat legaliter, & fideliter, in reparationem Conventuum, & locorum, aliasque necessitates Fratrum pro tempore occurrentes ; supponendo, quod ad praefatos Syndicos, Fratres non nisi in veris dictis necessitatibus recurrere possint, eaque solum in necessitates praefatas, nomine Sedis Apostolicæ, seu Pontificis tanquam Domini Principalis expendi facere, ac deponi permettere.

Articolo deinde 5. ad illud, quod P. Marchant dicit : Syndicos secundum Martinianam non aliam habere autoritatem respectu Papæ, quam substituti nominati ab Amicis Spirituibus.

Respondet Pater Pelanus, concedendo de Syndico Nicol. III. nam dicit : *sicut subditi amicorum spiritualium* habent ab ipsis *authoritatem expendendi pecuniam eorum in Fratrum necessitates* ; ita Syndici Papæ habent ab eo *authoritatem expendendi in Fratrum necessitates pecuniam acceptam ex venditione mobilium*, *qua in usu Fratrum sunt* ; Sed negat id verum esse de Syndico Mart. V. quia licet substituti donantium *authoritatem ab eis habent expendendi eorum pecuniam in Fratrum necessitates* ; attamen non habent ab eis *recipiendi*, & *expendendi omnes pecunias à Fratribus per recursus procuratas*, *vel eis liberaliter, aut ex laborio oblatas* ; *Ali Syndicus Mart. V. non solum habet à Pa-*

pa authoritatem expendendi pecuniam acceptam ex venditione mobilium, quæ erant in usu Fvatrum, sed etiam authoritatem habet à Papa recipiendi in dominiū ejus omnes Eleēmosynas pecuniarias, & omnia alia ad pecuniam reducibilia, & per consequens falso est (loquendo de Syndico Mart. V.) quod Syndici respectu Pape non aliam habeant authoritatem, quam substituti nominati ab amicis spiritualibus. Sed

Contra. Ideo substituti amicorum spiritualium habent potestatem ab eis expendendi pecunia ipsorum in Fratrū necessitates ; quia illius pecuniae sunt domini ; & non habent authoritatem ab ipsis recipiendi, & expendendi omnes pecunias à Fratribus per recursum procuratas, vel eis liberaliter, aut ex laboritio oblatas ; quia non sunt domini illarum : Sed secundū Martinianā Pontifex verè est Dominus pecuniae à Fratribus per recursū procuratæ, vel eis liberaliter, aut ex laboritio oblatæ : (supposito, quod dantes à se illā abdicaverunt, ut supra dictū est) Ergo potest tanquam principalis Dominus Syndico tanquam suo substituto dare authoritatem, pecuniam hujusmodi expendendi in veras necessitates Fratrum præsentes, vel imminentes ; non aliter omnino quam Nicolaus III. dedit suo Syndico authoritatem expendendi pecuniam in necessitates Fratrū, acceptam ex venditione rerū

mobilium, quæ erant in usu Fratrum; quia eorum est verè Dominus: Ergo verum est (loquendo de Syndico Mart. V.) quod Syndici respectu Papæ non aliam habent authoritatem, quam substituti nominati ab Amicis spiritualibus: Unde differentia, quam assignat P. Pelanus inter Syndicos Martini V. & substitutos amicorum spiritualium, est omnino solùm materialis, in ratione scilicet objecti, vel subjecti; qualis v.g. esset inter duos substitutos duorum amicorum spiritualium, quorum unus authoritate dantis colligeret pecuniam ex proventibus ei debitam, & eam in Fratum necessitates expenderet; alter expenderet pecuniam in Fratum necessitates authoritate dantis, per mercaturam, vel successionem acquisitam: Vel qualis est defacto inter Syndicum Nicolai III. & substitutum aliquius amici spiritualis, dum Syndicus Nicolai expendit pecuniam in necessitates Fratum ex venditione rerum mobilium acquisitam; substitutus vero amici spiritualis, pecuniam sibi immediate datam ab ipso: inter hos differentia est solùm Materialis; nam formaliter convenient, quatenus uterque gerit vices veri Domini, in Fratru necessitates expendendo Eleemosynā, quicunq; sit ille Dominus, vel quomodo cum que acquisierit dominiū pecuniæ expensæ, quod ut notavi supra cum Corduba ex D. Bonav. &

Hugo-

Hugone, est omnino impertinens ad observantiam Regularem, modò ipsi Fratres non sint Domini, & Administratores pecuniæ; sed id spectat tantum ad satisfaciendum politiæ, & Juri Gentium, & ad administrationē honorum, quæ ad proprietatem & dominium Ecclesiæ pertinent: Ita in proposito formaliter accipiendo substitutum dantis, & Syndicū Martini, nil omnino differunt; nam substitutus nihil aliud est ex Decl. Clem. V. quam persona pro amore Dei eleemosynam pecuniariam modo Fratribus licito expendens in eorum necessitates nomine Dantis Principalis, sive eleemosynaria pecunia detur in specie, sive ex venditione, vel alienatione aliquius procedat: Èadem prorsus ratione (cum dictum sicut est supra, res Fratrum usibus concessæ, sive mobiles, sive immobiles, piæ etiam legationes, & legata pecuniaria, in quibus dantes nolunt sibi reservare dominium, in administrationem Papæ, & dominium Ecclesiæ devolvantur) Papa succedens in locum domini Principalis, habetur pro Principali dante; & consequenter amici, sive Patris spiritualis vicem tam quoad nomen, quam quoad rem induit; Et ubi Procuratores, seu Syndicos instituit, idem facit, quod Amicus Spiritualis dans Eleemosynam, quando illam per se expendere in usus Fratrum non vult, facere solet; amicus namque in tali casu

su alios substitutos nominat, aut per Fratres nominari postulat: Ita Papa ordinans Syndicos debere nominari per Generalem in tota Provincia, qui pecuniam recipient, & expendant, vult substitutos suos per Fratres nominari; Unde sicut substituti Donantium reputantur ex Decl. Clem. V. amici spirituales, propter ministerium, quod nomine donantium exhibent; ita Syndici Domini Papæ possunt, & debent dici Amici spirituales, quia ut substituti Papæ, vel donantium ministerium suum exhibent; ideoque participativè ratione ministerij nomen amici spiritualis sibi merentur, & vulgariter hæc ratione Patres spirituales nuncupantur.

Ulterius dum P. Pelanus ad alia quædam P. Marchantij dicta Respondendo dicit: Provisionem Mart. V. deseruire majori Fratrum quieti tantum exteriori, non interiori conscientia; quia per eam sunt misericorditer dispensati. Item quod facilius sit unam Personam (id est Syndicum Martinianum) informare, sed non purius. Item quod B. Joannes Capistranus illam provisionem Martini V. impetravit pro Conventualibus, non pro Observantibus. Hæc omnia inquam facile ex dictis reperiuntur, quia sine ratione dicuntur. Sed

Quantum ad primum falsum est provisionem Mart. V. quoad Syndicium deseruire solum exteriori quieti Fratrum, non interiori conscientia;

entia: quia hæc dispensatio de qua loquitur, nō est relaxativa, ut dixi, sed solum declarativa, consequenter deserviens interiori conscientiae quieti: hinc Petrus Navar. apud Cordub. quæst. 16. fol. 451. dicit: *Ad securam Regula observantiam, Institutio Syndicorum, non dispensatio, sed melior dispensatio vocari deberet.*

Ad secundum; quod non solum est facilius unam Personam, scilicet Syndicum Martinianum informare, sed etiam purius, patet ex Cordub. ad Cap. 4. Reg. q. 8. explicante quintam conditionem, quæ necessaria est in procurando, & depo- nendo pecuniam apud aliquem, secundum Regulam & Declar. Nicol. III. & Clem. V. ubi ait: *Ideo pro remedio oblivionis cautè faciunt, qui Syndicos, seu alios depositarios pecuniarū habent jam generaliter instructos, ut sciant, quod nulla pecunia deposita apud eos, per dantes quoscunque deponitur, aut tenetur, vel expenditur nomine, & authoritate Fratrum; neq; in ea habent dominium, sed ipsi donantes, si sunt vivi, sunt Domini liberi; si autem sunt mortui, vel si pecunia est in testamento legata, jam talis pecunia, vel ejus depositio, pertinet ad Papam, vel Ecclesiam, & ejus nomine tenetur ad necessitates Fratrum:* Ergo non solum est facilius informare unam personam (id est Syndicum Martinianum) sed etiam purius secundum Cordubam.

Petrus quoq; Navarrus apud Cordubam cap.
4. quæst.

4. quæst. 16. ponit Conclusionem hujusmodi ad marginem : *Fratres ultramontani licetè possunt uti Syndico ad pecunias deponendas, sinè aliqua Regule dispensatione, quod non solum est utilius, sed omnino necessarium, postquam in Capitulo Generali Roma celebrato 1600. autoritate Apostolicâ constitutum est, ut dominium pecunia, sive liberaliter; sive cum onere Fratribus oblatæ, penes Romanum Pontificem remaneat, juxta Declarationem Mart. V. & Pij IV. Videatur Pater Emanuel Rodriguez, tom. 3. quæst. Regularium q. 37. art. 4.*

Ad tertium DICO, esse meram & inutilem evasionem; nam Corduba ad cap. 4. Reg. quæst. 16. fol. 436. notat, istas Constitutiones Martinū V. fecisse pro toto Ordine uniendo, & reformato; consequenter impetrari, & acceptari à Beato Capistrano tam pro observantibus, quam pro Conventualibus; alias si pro ipsis distinctæ Constitutiones fuissent ordinatæ, non voluisset ipsos reformare, & observantibus unire.

Denig. Exclamatio, quæ utitur contradictum P. Marchantii ad calcem suæ Concordiæ positū, quod scilicet nulla sit in provisione Mart. IV. & V. particula, quæ si bene consideretur, vel modicum puritati Regulæ aduersetur; Est solum vox, & præterea nihil.

Tandem pro intelligendis protestationibus ab Ordine factis contra omnes Declarationes Regulæ

gulæ adversas, & Declarationibus Nicol. III. & Clem. V. & ad intelligendum, utrūm provisio Martiniana adversetur Regulæ, dictorumque Pontificum Declarationibus.

Advertendum est triplicia reperiri in Declarationibus Summorum Pontificum, quæ diversimodè ad regulæ puritatem spectant: Alia enim ad essentiam votorum, Præceptorum, & obligationum pertinent; ut sunt, quæ de vera paupertate, pecuniarum omnimoda abdicatione &c. traduntur, & illa semper & ubique immobilia sunt, & uniformiter declarantur. Alia sunt, quæ modos accommodos assignant, quibus præcepta observari possunt, ut sunt modi assignati pro recursu ad Amicos spirituales, & illi mutabiles sunt, & salvâ substanciali puritate in æquipollentes, & aliquando etiâjuxta circumstantias, meliores, vel congruos modos mutari possunt. Alia denique, quæ extranea sunt, & ad satisfaciendum magis politiæ, & Juri gentium spectant; ut quæ de dominio rerum usibus Fratrum cedentium, de dominio pecuniarum, antequam in rem Fratribus licitam convertantur disputantur. In his porrò duobus ultimis declarandis, disponendis, exprimendis variè se Pontifices habuerunt, absq; ulla Regulæ, vel puritatis ejus relaxatione, supplendo, mutando, interpretando, indulgendo, prout rerum, temporum,

128 UMB: APOL: P. ROZYCI.

porum, locorum circumstantiæ postulaverunt;
In primo autem, & circa essentialia Regulæ se u-
niformiter habuerunt; Et si qui inventi
sunt aliquando aliquid puritati Regulæ, & obser-
vationibus literalibus, & spiritualibus votorū, &
præceptorum contrarium ob infirmitatem Re-
ligiosorum benignè indulsisse, his dispensati-
onibus, & Privilegiis Ordo semper renuntiavit;
Atque sic etiam præfatam Martinianam provi-
sionem conformando se Authoribus illam rela-
xativè interpretantibus non recipit. Quod fi-
tamen explicetur, uti explicatur à P. Marchant,
nullà ratione videtur habere locum inter De-
clarationes relaxativas, nec consequenter ab

Ordine ei renuntiatum esse, vel eam per
breve Urbani VIII. esse revoca-
tam. Dat. Rom.


Omnia hæc Censuræ Sanctæ Matris Eccle-
siæ humiliter, & devotè subjicio, &
submitto,


AD MAIOREM DEI GLORIAM,

et
Animarum salutem.

F I N I S.







9 Oct 1914

1880

